

P. 84 (2Poc = KOMU)

M 42

Международная  
миссия

миссия

Международная  
миссия

Международная  
миссия


44-89-08

КОНТРОЛЬНЫЙ ЛИСТОК  
СРОКОВ ВОЗВРАТА

КНИГА ДОЛЖНА БЫТЬ  
ВОЗВРАЩЕНА НЕ ПОЗЖЕ  
УКАЗАННОГО СРОКА

Колич. пред. выдач.

3.05.12





*Серпасалис Р.Н.Зварич*

**Медводдза муслун:** *Кывбурьяс, висътъяс / Лосъодис*  
А.Г.Елфимова. – Сыктывкар, 2007. – 80 л.б.

Мортислӧн олӧмас коркӧ ставыс овлӧ медводдзаысь. Медводдза бӧрддзӧм, медводдза пюм, медводдза воськов, медводдза кыв, медводдза радлун, медводдза шог, медводдза муслун...

Тайӧ небӧгыс тшӧтш жӧ лои медводдзаӧн дас ӧти нывзонлы. Налы, кодъяс, видзчысьӧмӧн на, а, гашкӧ, кодкӧ и польштӧмпырысь, но быдӧн восьса пӧсь съӧлӧмӧн пырӧдчӧ коми литератураӧ. Съӧкыд, и сӧк жӧ, нинӧмкӧд ӧткодявны позьтӧм уджӧ.

Кыдзи водзӧ артмас налӧн олӧмыс, висътавны, дерт, съӧкыд: воасны-ӧ найӧ нималанаӧдз либӧ ордчасны гижӧм-сьыс. Ставыс ас саяныс.

Ӧд кутшӧмкӧ да енби сетӧма быд мортлы. А медым сийӧс ас пытшсьыд кывны да петкӧдны йӧз водзас, татчӧ колӧ оз кӧсйӧм, а медводз аминь ыджыд зӧльӧм. Пондасны кӧ выннысӧ пуктыны сямлун туйдӧм-сӧвмӧдӧмӧ, оз кӧ кутны элясьны-норасьны, мый вылӧкӧ вештысьны, сӧки, чайта да, артмасны наысь Енсянь гижысьяс.

Томъяслысь ӧти кышӧд улын медводдза петкӧдчӧмсӧ лыддысьысь, надейтча, донъялас съӧлӧмсянныс.

*Анжелика ЕЛФИМОВА*



Любови  
Анисуриева

Чужлі Изьва районса Гам грездын. Велодча СГУ-ын филология факультетын.

Косъя коми литератураын озтыны югыд сись, коді зьско збыльысь петкодліс сьблόμεсь состом мовпъясос да эскодіс, мый ме ог проста му вылас госьтит.

\* \* \*

Менам муза – ичотик лэбач –  
Асья кыакод таркодчис ошиньо...  
Ми синмасим,  
И доршасис синваным...  
Ме сійос лэдзи жугыль оломам,  
Зарни синва войтон  
Енмыс пернапасалис,  
йитіс миянөс...  
Слабог, му вылын ме абу нин  
отнам...

\* \* \*

Вотъяс – дженьыдик письмөяс...  
Коді найос ыстө?..  
Тайо коляс нодкывйон.  
Мукодлы сійо ковтөм юор,  
кыдзи кагалы  
эновтөм чача...



и, чайта, ньоти лэбач  
менё оз вид, –  
найё гогорвоасны, –  
талун ме збыльысь

шуда.

\* \* \*

Юмов чов-лөннын  
кылё  
сёмын карандашлөн  
кокньыдик воськолысь...  
Татшом здукас полан  
весиг лолыштны,  
полан торкны  
серпасалысьлысь  
югыд енбисё, –  
сийё чужтё портрет  
менам радейтана  
мортлысь...

\* \* \*

Тэын – эм менам юконтор,  
Меын – эм тэнад юконтор...  
Олём-ю кузя ловным  
визувтё орччон,  
И отчыл ми лэптам  
шудысь керка,  
кони олысьон лонны  
миян дзоридзяс – кагукъяс...  
Налы ми мыччам  
став шоныдсё,  
став сёлём юмовсё...  
И налөн кё нюмыс  
дзордзавны кутас  
да веждны...  
шуам:  
«Олёмсё эгё олой весьшөрö...»

\* \* \*

Меным тэсянь  
                                дзик нинѳм оз ков!  
Кылап? Дзик нинѳм нин,  
  ни-нѳм!  
Ме сѳмын кѳся,  
  мед бурдїс лов,  
Да вунїс артмытѳм олѳм.

\* \* \*

Менам синва  
                                шусьѳ тэнад нимѳн,  
Менам синва оз вѳч тэныд дой...  
Сѳмын лунысь-лун  
                                шыасьѳ чѳв-лѳнѳн,  
Тэнсыйд унтѳ оз торк  
  югыд войт.

\* \* \*

Воѳн унатор вежсис:  
Ёртѳй верѳс аддзис,  
Мѳд – кага чужтїс,  
А ме – воштї тэнѳ...

\* \* \*

Кѳтасьѳм пу вылын  
                                кынмѳ ѳтка, ичѳтик лэбач,  
Ме думысь, сїѳ – пулѳн лолыс,  
Сїѳс ѳткодяла аскѳд, –  
Љд менам сы кодь жѳ шудыс  
Тайѳ зѳра,  
                                вывтї кѳдзыд рытнас...

\* \* \*

Менам лолёй  
пёрис зэр тусьё...  
...Мырдён кора –  
эн ветлы зонт улын,  
Мед тэ дорё коть инмёдчылас  
зэр тусьыс...

\* \* \*

Кымын ручка эг ньоблы:  
вёлі и гёрд, и лёз,  
и турунвиж рёма...  
Но мыйлакё кывбурьясёй  
век артмисны гажтёмось...

\* \* \*

Быттьё оломой кык пельё,  
и кык пёлс ёткалун  
гудрасис сьёлёмам...  
Медводдзаыс, кор меным некод оз ков...  
И мёдыс – кор ме  
некодлы  
ог ков...

\* \* \*

*Менам Мишалы*

Гашкё, и оз ставыс миян оломын ло,  
но век жё коляс Муслун.  
Сійё коляс сэтшём жё сёстёмён,  
мичаён,  
вунёдтёмён,  
кыдзи миян медводдза аддзысьём.

\* \* \*

Мыйкò вьвті дышòдчыны куті:  
нинòм ог гиж...  
А киò кò босьта карандашòс –  
Артмòны гòгòрвотòм серпасъяс...  
А, гашкò, енбиыс воши...  
Эз... Ог эскы...  
Ме кыла на лов пыдйысь  
Енлысь лолалòмсò...

\* \* \*

Ме мудзи аддзыны шондйсьò,  
и тòлысьсò,  
и кодзувьясьсò,  
и асыв-рытсьò  
Тэтòг.

\* \* \*

Сòмын коръяслы  
колò гылавны  
и гыòрòн пуяслы вевттьысьны,  
и бара кута вòсьлавны  
Чужан керкаяслань –  
Муса Челядьдырлань.

\* \* \*

Кыз нò кисьмòм олòмас инмыны,  
кызди гумлавны сылòн юкмòсысь  
бурсò,  
медым ассиянь мыччыштны,  
кòть вотòс мында, радлун  
менам бать-мамлы.



\* \* \*

Чужан керкаын позьб и  
ьшмыштны,  
И пёттэдз серавны...

Некод оз вид.  
А бокын колё асьтё кутыштны,  
Мед бать-мамтё эз дивитны.

\* \* \*

Еплы шуа атгё  
став радлунсьыс,  
став шоглунсьыс, —  
Найос вуджтөг эськё сідз  
и эг гөгөрво,  
мый сійё Олөмыс.

\* \* \*

Менам сы мыйта ёрт,  
И найё сэтшөм бурось!..  
Но откалуныс и на костын  
оз кольлы менё...  
Сы водзын ёртьясөй быттьё  
ичөтик чутьяс,  
кодьяс оз кужны тыртны  
сылысь паськыд тыяссё  
Олөмлөн югыд видзёдласөн...

\* \* \*

Ракаяссё откодяла  
Сотчөм листьяскөд  
менама олөмлөн сотчөм здукьяскөд.  
Ме найос вунөдны косья...  
Но палөн горзөмныс  
век на торкө  
менсьым асья,  
лөнь унмөс...

\* \* \*

Тэнад синъясыд мичаёсь,  
Асья енэж кодь сөстөмөсь...  
Ме радейта видзөдны  
                                зарни, югыд войтьясас...  
И көсья эськө лоны налөн  
                                көть ичөтик юкөнөн,  
Сөмын нэриник лэбач моз  
                                мыйыськө пола на...

\* \* \*

Быд асыв мырдөн  
рөмпіөштан водзын шуа:  
«Тэнө вунөді... вунөді...»  
И эскыны нин куті.  
А лысьта-ө тэныд тайө  
                                кывъяссө шуны?

\* \* \*

Ме вөтаси Тэнө...  
И крепыда-крепыда  
киястө куті,  
Медым пышйөм бара эз ло...  
Но сөмын Енмыс  
сьөд занавес  
му вылысь вештіс, –  
Ме вості синъясөс,  
И Тэ бара нин абу...

\* \* \*

И войвылын,  
И луввылын,  
И тэ гөгөр тулыс...  
А мейн – төв...  
И пöлыньтчөм крест,  
Кодөс тэрмасиг-мунігад  
Сувтөдін изйысь.

\* \* \*

2005-өд вося моз төлысьыс вөлі ма кодъ:  
төлысьлөн зарни югөр серпасалис  
менам войся өшиньö Муслун,  
И ми адззысим тэкөд  
сылөн ясыд көсаяс улын...  
Сөдз лысвабн тырөм астраяс  
югзбөдисны туйнымос  
и алөй, и еджыд биторъясон...  
Тайö дивö! Тайö Енмөн ыстом  
югыд муслунлөн дзирдьяс!..

...2006-өд вося моз төлысьыс вөлі пелыся:  
төлысьлөн зарни югөр, вөлөмкө, сунис кодъ,  
Сомын здук кежлө енэжсө шебравліс  
руд сингьяса тун-кымөр,  
и серпасыс воши,  
и Тэ мунін менам олөмысь,  
сылін войся көдзыд  
төвруас...

\* \* \*

Эм олөм.  
Сы гөгөр пуяс, дзоридзьяс...  
Енэжын – төлысь, кодзுவьяс...  
Ме думысь, өта-мөдтөгыс найö оз лөсявны  
морт сингьяслы,  
Прөста велавны он вермы.  
Тэкөд олөм везьясө жö пырам:  
быд лун сөям-юам,  
ветлалам туй кузя...  
Но сомын торйөн нин...  
И мыйлакө тай быдөн нин велалис  
адззыны миянтö торйөн...  
Таын эм кутпөмкө гусятөр,  
И меным, и мукөдлы гөгөрвотөм...  
И мыйлакө некод оз венззы.

\* \* \*

Эг на удит верстяммыны,  
а юрсій нин пужьялө...  
Жаль...  
Олөмыс ме вьвті бура исковтөма.

\* \* \*

1

Ме кө номйон вөлі, эськө и ичөтик  
розьті эг төр сьөлөмад,  
Став туйяссө ас дорад туналін,  
И весиг ордымьяссө!  
Ог гөгөрво.  
А, гашкө, ме вьвті тэрмаси шонтысьны  
пось муслун бипур дорын?!  
Но тай пессө, вөлөмкө, колө кужны  
на вөчны,  
Чагйон ломтысьөм – сөмын ворсөм и эм!

2

Ме эськө черөн лөсышта тэнө сьөлөмысь,  
И тэ пөран казтылөмьясө,  
А сэсса и кадыскөд воян  
менама олөм пюрьясө...  
И ме тэысь мездыся,  
мездыся нэмьяс кежлө...  
Но мыйлакө оз артмы.  
Вьвті, көнкө, велалі тэ дорө...

3

...А Енмыс көть вежа, шань,  
Но сы вылө дөзми, –  
лөсьыда тешитчис миянкөд!  
И сьөлөмам на көрталіс, топыда  
көрталіс сьөд бантьяс,  
Мөдар югыдас кувтөг мөдөдіс!..  
А тэныд ыстіс югыд козин-көлысь...  
Но мыйла, мыйла мөдкөд  
дзоридзөн гартчис олөмыд,  
Мыйла сьөд каньон сійө вуджис туйнымс?...  
Мыйла, но мыйла еджыд катшаон  
коли сөмын өтнамон му вылас?..

...Ме мудзи нин мѡвпавны,  
корсьны вочакывъяс,  
синваѡдз кевмысьны,  
и мырдѡн корны Енмыслысь тѣнѡ...

Кылан, мудзи...  
Но бара на мѡвпавсьѡ –  
А воан-ѡ тѣ коркѡ?..

\* \* \*

Кор вильшасьысь тулыслы  
восьѡны ѡдзѡсьяс  
да мыччысьѡны  
лым ув дзоридзьяс,  
Сѣки, ме думысь, югыд андельяс  
му вылын йѡктѡны валъс, –  
Радлѡны виль олѡм чужѡмлы.  
...Мѡвпъясѡс пасйи тетрадьѡ,  
И ачым со эскыны куті,  
мый и меным вермас вощышы  
ѡдзѡс  
виль олѡмань...

\* \* \*

Ог прѡста му вывті шѡйт....  
Ордымѡс аслым писькѡда.  
И пѡра лѣбачѡ...  
Вая Енлы юѡр  
шуд йылысь...






Гажа Керөсөй,  
Чужан пельөсөй!  
Позьö локтігөн тэнö сывйыштны,  
Мичтö босьтыштны, гажтö тывйыштны?

Позьö нырдсянныд гора чеччыштны,  
Медым кымöрыс менö  
Лэптыштас,  
Вывсянь-вывсянь мед грездöс петкөдлас!

Гажа Керөсөй,  
Муса пельөсөй...  
Ылі муын öд ме век гажтöмтча,  
Сывйышт ёнджыка, дона  
Важ төдса.



Еджыд бобулөн чунь помад  
Пукся.  
Тэ сэк менö эн лэдз,  
Сөмын шонділань менö эн лэдз.  
Позьö, нэм кежлö тэ дінö  
Кольчча?  
Сэтшöм сынöдыс сөдз,  
Сэтшöм окота снэжас  
Усьны.  
А тэ менö эн лэдз,  
Ато шонділань лэбигөн  
Сотча...



Медводдза «Юбка» висъттой петавліс «Чушканзі» журналын.  
«Динозавр кольк» висътлөн медводдза юконыс – «Войвыв кодзу-  
лын».

Андрей  
Брасов

Чужлі Войвож посёлокын 1958 вося декабрь 5 луно.  
Школаос помалі Вильгорт сиктын. Уна во трактористалі,  
а 1992 восянь босътчи фермеравны.

1998 восянь гижя рочон кывбурьяс. Комион гижя кык во.  
Медводдза «Юбка» висъттой петавліс «Чушканзі» журналын.  
«Динозавр кольк» висътлөн медводдза юконыс – «Войвыв кодзу-  
лын».

Ас йылысь дженъыда:

Кодко вузалд дзоридзьяс...  
Кодко ньобалд дзоридзьяс...  
А ме ог вузав, ог ньоб:  
Ме нимкодяся...

## Динозавр кольк

Висьт

«Я помню чудное мгновенье...»

(А.С.Пушкин)

I

Нелямын во олоны Егорий да Анята гозья. Нелямын во!  
Кыкнашныс пенсия выльнось. Олоны отка олм: челядныс важон  
нин быдмисны да разодчисны коді кытчө. Гожомнас эськө во-  
лывлöны жö отпускө да. Сэки керкаыс потлывлö серамысь да га-  
жысь. Но воас ар, и важиник, но ён на керкаыс бара зумыша  
видзодö ыб вывсынь визув ю да помтöм дортöм вор выло.

397483

17

им. С.Я.МАРШАКА

167981, г. Сыктывкар, Советская, 28

Пёрысьяс уджтөгьд оз на овны. Анюта ноксьо град йёрын: быдтё огуреч, лук да мукод пуктас. Эм гозьялөн картупель му, кык ыж да ёти кёза вылё тырмымён нейджыд луд. Егорий чери кыйё да вёралё. Сідзи и олёны тэрмасьтөг.

Но кымын дырджык найё отлаып, сымын ёнджыка ылыстчёны ёта-модсьыныс. Корьясёкё и матыстчылёны быттё, отлаасьлёны, но сэсся бара, нёшта на ылёдджык торьялёны.

Анютаыс асныра морт, чорыд, а Егорий дзик мод руа. Сійо олёмсё радейтё, аслыспёлёс мичлунсё быдлаысь аддзё. Морт, пётка, зэр, лым, арся няйт туй – ставыс сылы сёлём сертыис.

Шуам, ытшкё Егорий – ни ёти турун сі он аддзы сы бёрысь; садитё пу и – став вужсё любёпырысь веськёдлас лёсьёдём гуранас; тэчё пес – и вартём пач кодь зумьд чипас сувтёдас.

Но эм Егорийлөн, кызди шуё гётырыс, «ыджыд грек» – гижны кывбурьяс да уна рёма ичёт изьясысь чукёртны паськыд стружитём пёв вылын серпасьяс.

Гижас Егорий виль кывбур, лыддяс Анюталы, а модыс сёмын вомсё вежынтлас, абу пё тайё тэнад. Тадзи шуёмыс Егорийлы медся ыджыд ошкём... Гижас муслун йылысь – зык! Тёлысь чёж сэсся Анютаыс оз сёрнит, вежётё. Но Егорий велалис нин. Гижас рочён, босьтас Есенинёс ли Пушкинёс, восьтас, а лыддьё ассьыс. Сэсся юалё: «Но, кызди гижёны?» – «Вот тайё дзик мод пёлёс, абу тэнад кодь», – шуас Анютаыс.

Нёшта ёти «грек» Егорийлөн... Сійо сьёкыд пеля. Та вёсна гозья олёмын артмылё быдсяма гөгөрвотёмторйыс. А ёти татшётор йылысь, чайта, колё висьтавыны торйён.

Отчыд Егорий вайис гортас ыджыд из. Дзик кольк кодь, сёмын жугалём йыла. Динозаврлөн кольк пё тайё. Петкёдлё Анюталы чегёминсё, сэн пё ичёттик динозавр юр быттё тыдалё. Анютаыс видзёдліс, но нинём эз аддзы, сьольштис да ыршасис шыбитны изсё. Егорий овтыштчис сысысь, босьтис белила да гижис кольк вылас: «*Динозавр кольк. Кум миллион во мян эраёдз*». Сэсся дзёбис сундукё колуй улас, дай вунёдис, мый нывбабалён медся ыджыд шудыс – пыркёдны важ колуй.

Некымын лун мысти Егорий босьтис ыджыд лупа, восьтис сундуксё, қсйис бурджыка видзёдлыны ичёттик динозаврлысь юрсё, а колькыд и абу! Кутис юасьны гётырлысь, а сійо воча, нинём пё ог тёд, ачыд, кёнкё, кытчёкё суйин да вунёдін.

Лунтыр корсьысис Егорий, некытысь эз аддзы. Ёна и шогалис. А лун-мод мысти тэчис пестерё нянь-сов, патроньяс да модёдчис Еджыд ю дорё, олышта пё сәні лун кум, ветла Ыджыд нюрё турипувла. Муніс, а пишальсё гортас вунёдома. Час джып

мысти Анютаыс сөмын казяліс, сәсся өдйө пасьтасис, кватитіс пищальсө да уськөдчис Егорийсө вөтөдны...

Пищальыс кузь да сьөкыд, не сы туша серти, Анюта кыкысь усьліс весиг, конъясьліс да. Пошти сүөдіс нин Егорийөс, кутіс горзыны, а сійө оз кыв! Мунө и мунө водзө. Анюталөн эбөсыс нин быри, котөртны оз вермы – сідзи и довгис сәсся Егорий бөрся. Котөртыштас неуна, матыстчыласкодь быттө, горөдас – бара мөдыс оз кыв дай ставыс! Кык час чөж тадзи мунісны.

Медбөрын Егорий пуксис пөрөм пу вылө шойччыштны да вөлисти аддзис Анютаөс.

– Мый нө тэ, нельтөм йөра, пищальтө колин? Ме мый, Санча Панса али мый, медым тэ бөрся котравны? – кутіс видчыны гөтырыс.

Дыр увгис, сәсся пуксис орччөн. Мөдыс нинөм эз шу. Дыркодь тадзи пукалісны. Егорий мөвпаліс: «Кызди нө бөрсө өні гөртө мунас? Ылын. Өтноссө ог лысьт лэдзны. Но, а тыртөм пестерөн бергөдчыны абу лөсьыд. Ковмас сьөрысь босьтны вөр керкаө. Асывнас ветлам нюрө, турипувсө көть регыдөнджык вотам».

Анюта мөвпаліс жө: «Пельтөм лешакиды! Зэв ылө нуөдіс гортсянь. Кызди нө бөрсө муна? Өтнам пола. Пемдытөдзис ог нин во».

Егорий чеччис, босьтіс Анюта ордысь пищальсө да өшөдіс пельпом вылас:

– Ковмас, Анюта, вөр керкаө мунны. Лун кык олыштан сәні, гортса овмөсысь көть шойччыштан. Куим километра и коли, абу ылын. Сөяныд мянлы кыкөңлы тырмас. Гашкө, кутшөмкө пөтка на кыя. Керка лэбулас важ трегубеч эм, көть и розя, но юква вылад век нин кыйыштас, тшыглы огө кулө. Ки-кок да юрыд кө эм, вөр-ваыс сөян-юантө сетас.

Мый сәсся керан, сідзи и вөчисны. Рытланыыс нин воисны местаө. Егорий лэччөдіс ва вылө пыжсө да муніс трегубечсө вөй кежлө вөйтлыны, а Анюта колис керкаын көзаяйкаавны. Ломзөөдіс пач, чышкис джодж. Өти здукө местаыс кажитчис сылы төдсаөн. Регыд и гөгөрвоис: өдзөсыс видзөдіс Анюта вылө кык ув-синмөн сідз жө, кызди вөлі челядьдыр кадө, кор батыскөд ветлывлісны узьөмөн вөр керкаас. Тайө вөлі нэм джын сайын. «Гашкө, керкаыс сісьмис, да выльөс лэптисны, а өдзөссө важсө колисны», – сьөдөдөм увьяссө ки пыдөснас малалігмоз мөвпаліс Анюта. Сәсся босьтіс ведра да мөдөдчис вала. Видзөдліс гөгөрбок, да быттө збыль челядь кадас веськаліс: сэтшөм жө кос пожөм лысьясөн да кольясөн вевттөм ордым лэччө ю дөрө, сэтшөм жө эжөр быдмө гөгөр, сэтшөм жө пушкыр бадьяс сулалөны мөдлапөлас. Анюталы друг кажитчис, быттө батыс петіс пыжөн ю чукуль сайысь. Со нин

матыстчѳ сы дорѳ, сышѳ кык лопта пелысѳн: гождьялѳм чужѳмсѳ мичмѳдѳ паськыд нюм, а пыжас куйлѳны гырысь сирьяс, сыпьяс да вежа-гѳрд ѳкышьяс...

Анюта шудапырысь лолыштис. «Мыйла ме татчѳ ѳнѳдз ѳг волы? Мый менѳ падмѳдис? Со, олѳмой пѳшти колис, а танѳ ставыс мѳд: пуяс, енѳж, ва... ставыс мѳд», – мѳвпалѳс Анюта. Сийѳ быттѳѳ выль ног видзѳдѳс олѳм вылас, быттѳѳ медводдзаысь аддзис арся югыд рѳмьяссѳ, кылис вѳр-валысь кѳрьяссѳ...

Пемдѳс ѳдѳѳ. Гозья ѳзгисны сись. Нурьясьѳм бѳрын лѳсьѳдчисны водны.

– Мый нѳ, век лѳгалан динозавр кольк вѳснаыд? А? – мыжа морт моз юалѳс Анюта. – ѳн лѳгав, колькыйд пывсян сайын, петшѳбрас. Локтам да петкѳдла. Некодлы сийѳ оз ков... Кылан?

Егорийлы сьѳлѳм вылас быдсѳн кокни лои. Сийѳ нюмпырысь перийс зепсьыс ки пѳдѳс ыджда чѳлѳс из да петкѳдлис гѳтырыслы:

– Со, видзѳд, мый талун сюри! Аддзан?.. Быттѳѳ галактика!

Изыйс неуна быттѳѳ и збыльысь вѳлѳ пырыс тыдалана, пытшкас черань вез ли, стружки моз гартчѳм уна кока кодзув дзу ли тѳдчис.

Егорий сувтѳдѳс изсѳ пызан вылѳ, сись водзас. Корсюрѳ быис вѳрзьявлѳс, и кажитчис, быттѳѳ галактикалѳн «кокыс» вѳрѳ ловья моз.

Пемыд арся войѳ вѳр керкаын кык олѳма морт дыр на ѳз узыны. Вашкѳдчисны, видзѳдѳсны ѳти лолѳн галактика вылѳ, а кѳнкѳ ю вылас кадысь кадѳ гырысь черилѳн швачкѳм казтьылис налы, быттѳѳ локтѳма ыджыд, куим миллион во сайын чужлѳм динозавр... Ветлѳдлѳ берег пѳлѳныс, кучкалѳ кузь бѳжнас уль лыа веркѳсас да, гашкѳ, корсьѳ асьыс кольксѳ.

## II

Тѳвся турѳба рыт. Керкаын кыкѳнѳсь. Анюта ноксьѳ ломтысян пач водзын, лѳсьѳдчѳ пѳжасьны, а Егорий пукалѳ ѳшинь дорас лабичын да дыр нин нимкодя видзѳдѳ, кыдзи пач би югѳрьясыс мичаѳ ворсѳдчѳны гѳтырыслѳн чужѳм, голя, морѳс да ки вылас...

Егорий бергѳдчис ѳшиньялань, вештыштѳс занавессѳ, чорзьѳм гыжнас гыжйыштѳс йизьѳм стеклѳсѳ, видзѳдѳлис пемыдас да друг шызьѳмѳн чукѳстѳс гѳтырсѳ:

– Анют, волы, видзѳдлы! Видз вылын бипур, а сы гѳгѳр чудьяс йѳктѳны!

Анюта повзбём чужомон шопкөдiс Ен ним, некымышысь чөвтiс пернапас да полөмөн матыстчис өшинь дорас...

– Нинөм ог аддзы-ы...

– Да тэ синтө стеклөас эн ляскы, ылысыньджык видзөд!.. Но... Öнi аддзан?..

– От йойыд! Тайө пач би югөрыс да! Уп, кызди повзбөдiн!.. Нинөм кө вöчнытө, картофельсө весав!

Егорий лөсөдыштiс уссө да шпыньмунис: «Öнi, гашкө, топыдджыка ме дорө водас...» Сэсся босьтiс пурт, и картофель кор мича лентаясөн күтiс гажаа лэчыны сы ки улысь...

– Век на ворсөдчан кага моз, – броткыштiс Анютаыс. Бурджык, думайт, кызди аски мунам? Некор на сы ылнаөдзсө эгө ветлөй да...

– Эн пов! Ме көрт туйөдыд армияө ветлi, тöда, кызди-мый!

– Сэки кадыс вöли мөд. А öнi... Со, телевизор пырыд быд лун петкөдлөны... Повзбём босьтлө! Төдi кө, мый Украина боковöй муон лоас, Надюкөс эськө сэтчө верөс сайө эг лэдз!

– Сьөлөмыдлы он тшөкты! Бура олөны тай, радейтөны öтамөдсө. Со, мөд кагаөс чужтөмны... Зэв окота нукөс видзөдлыны! Кутшөмджык бара-й сийө: тэ кодь али ме кодь?

– Дугды! Нук быттьө тэныд колө! Öдйөджыка «Третьяковкаө» көсьян ветлыны да! Төлысь чөж нин сы йылысь и больган!

– Да, колө! Тэныд колө жө! Прамөй серпасьяссө некор на эн аддзвы! Европаын пенсионерьяс быд во кытчөкө ветлөны, став мирсө аддзылөны, а ми гортын пукалам. Кажитчас кө, мөд во бара кытчөкө ветлам.

– Ветлам, кор пенсиятө содтасны, а öнi шиш!

– Анют, тэ менө он кывзы, но ме бурджыка тöда, мый колө сьорсьыд босьпыны. Босьтам рудзөг нянь, пуөм картофель да дука чери!

– Мый, мый? Дука чери?! Эн и казътив! Мед став вагонсө дукосьтны?... Гортын сөй, мында колө, а туйын кутам калбасөн тшай ырскыны!

– Тэ колян во, кор больничаад куйлiн, мый менсьым корин? «Дука чери бөжсө көть вай...», – мудера шпыньмунис Егорий.

– Сэки ме виси. А öнi апетитөй бур!

– Но, кызди көсьян... Видзөдлам, кутшөм висьөмыс сьөкыдджык – вир-яйлөн али ловлөн? Муртса чужан сиктысь петам, и төдмалан!

– Картофель да капуста босьтам, а дука черитө огөй.

– Вай кык-куим пөвста салапан пакетө гартлам черисө да сiдз көть Надюклы цуыштам... Ок, и радлас! Гашкө, важөн ниш гортса вөлөгасыс гажыс бырис!

– Радлас, дерт! Ме ачым эськѳ сідзи жѳ кѳсйи вѳчны да...  
Кѳвдум да рыська шаньга на пѳжала, турипувсѳ босьтыштам и,  
мед номсасьыштас...

Кильчѳ помас кыліс тотшкѳдчѳм... Егорий петіс видзѳдлы-  
ны...

– Коді нѳ?

– Ме... Борѳ! Восьты, пыралам, пукалыштам!

Пырисны суседьясы: Борѳ, Вера гозья да налѳн Пима ныв-  
ныс. Борѳ кутіс киня улас гудѳк. Шмонитіг-чолѳмасигмоз  
пыркѳдчисны лымсьыс да киасисны...

– Пырѳй, пырѳй керкаас да пѳрччысьѳй! Менам стѳч пѳжа-  
сьѳма! Час, здукѳн пызансѳ вевттям!.. – радліс гѳсьтыяслы Анюта,  
а кор гѳсьтыяс пѳрччисисны, чуймѳмѳн горѳдчис: – Пимук!.. Дзик  
тай нин невеста лѳбмыд!..

– Невеста дай поэтэсса! Институтын велѳдчѳ! – ошйи-  
сьыштіс Вера. Егорий дядьлы гижѳдьяссѳ петкѳдлыны вайис.

– Удитанныд на лыддысьнытѳ... Вай пызан сайѳ пук-  
сьылѳй! – вомаліс Вераѳ Анюта.

Вера перйис нопсьыс вина доз, сола тшѳг да кампет кулѳк,  
тѳчис пызан вылас:

– Пукалыштам... Аски Кольѳ пи машинаѳн лѳччѳдас вокза-  
лѳдзыд, энѳ тѳждысьѳй! Вайѳ юыштам... Борис, пуктыв кытчѳкѳ  
гудѳктѳ, лок вундав тшѳгсѳ! – кѳзьяка моз нин нарадиталіс Вера.

Анюта здукѳн лѳччыліс гѳбѳчѳ, сѳсся перйис пачысь карту-  
пель чугун. Дас минут мысти пызаныс лѳи тыр быдсяма чѳскыд  
вѳлѳганас...

Ставѳн пуксисны пызан сайѳ, юыштісны да босьтчисны сѳй-  
ны. Сѳмын Егорий да Пима майшасьѳны.

– Оз сѳйсый мыйкѳ... – шуис Егорий. – Терпенньѳ бырис!  
Мунам, Пимук, мѳд жырйѳ, видзѳдлам, мый вайин.

– Ветлѳй, ветлѳй, гижысьяс... Да ѳдйѳджыка бѳр локтѳй! –  
люкыштіс найѳс Анюта. – А ми юыштам! Но-кѳ, Борис, кисьт  
нѳшта винасѳ.

– Анют, эн ю, тѳныд оз позь унасѳ, – майшасис Егорий.

– Ачым тѳда! Гѳз-мѳд румкасьыд нинѳм на ѳг лѳ! Кисьт,  
Борис, кисьт!

Борис кужѳмѳн тыртіс румкаяссѳ да асьыс лѳптѳмѳн горѳ-  
дчис: – Но, Пимук! Мед тѳнад ставыс бур лѳас!

Юисны. Сѳсся Борис босьтіс гудѳкѳ да суседьяс босьтчис-  
ны сьывны... Пызан гѳгѳрын лѳи шумакодѳ.

Егорий Пимакод пырисны бѳкѳвѳяс вѳчѳм нейджыд жырйѳ.  
Тані ѳшинь дѳрас сулаліс пызан; ѳти стен бердас паськыд лабич да

ыджыд важ сундук, а на весьтын, мѳдар стен бердас, небѳг тыра шкап.

Егорий тшѳктіс пуксыны Пималы, а ачыс любѳпырысы босьтіс нывлѳн кнысы вѳснъыдик тетрадьсѳ...

### Мыйла ме абу пон?

*Володь ѳртой зѳв ѳна радейтѳ понъясѳ. Кор аддзас понтѳ – нюмъялѳ и дасъ малыштны быд пемѳсѳс.*

*Ѳтчыд паньдасим дър мысти да сулалам, сѳрнитам мыйкѳ. Понъя анъ матыстчис мян дорѳ. Володь ловзис, нюмъяломѳн кутіс малавны понсѳ да шуавны мелі кывъяс. Анъыд дър сулаліс да кывзіс, а синмас волі: «Некод меным нѳм чѳж татшѳм кывъястѳ эз шулы, некод татшѳм меліа эз малыштлы... О, Енмѳ! Мыйла ме абу пон? Гашко, сэки кодлыкѳ лои донанѳ!...»*

### Мам шуд

*Сійѳ шуис, мый поэзияыд ю кодъ, кытчѳ колѳ вѳйтчыны паськѳмтѳг, кучиктѳг, весиг вир-яйтѳг, сѳмын лолѳн. Медводз менам нинѳм эз артмы, но кадѳн сійѳ велѳдіс менѳ. Сійѳ тѳдіс ассьыс став кывбурсѳ наизусьт. Вермис лыддъыны часъясон. Меным кажитчис, мый татшѳм здукъясас сійѳ энѳвтѳ ассьыс вир-яйсѳ. Сійѳ вунѳдлывліс, кѳні олѳ, нинѳм эз кыв ни эз аддзы. Сійѳ кывтіс Ю-поэзияѳдыс. И ме кывті ськод орчѳн. Кадъясон ме тѳ сералі, тѳ борді; менѳ босьтліс тѳ полѳмлун, тѳ чуймѳм, тѳ лѳнъѳм. Ми тѳ вѳйтѳдчылім Ю пыдѳсѳдз, тѳ кыптылім веркѳсас; тѳ усълім джуджыд борганѳ, тѳ веськавлім вабергачѳ...*

*Тайѳ волі дивѳ! Тайѳс он вермы серпасавны кывъясон. Тайѳс колѳ видлыны став ловнад, лов пыдѳсѳдзыд сетчыны босьтчѳдѳмлы.*

*Ѳні ме мездорын кута кагаѳс, дзольяник дивѳсѳ! Сійѳ оз на куж сѳрнитны, но ставсѳ нин гѳгѳрвоѳ. Ме лыддя сылы батъыслыс кывбуръясѳс неважѳн нъѳбом небѳгыс. Небѳгыс ме тѳдмалі, мый батъыс кувсис. Сылѳн машинаыс некымыныс пукыльтѳма волѳк туй вылын...*

*Волѳмкѳ, сійѳ ѳна висьѳ. Гашко, та вѳсна сійѳ меным нѳйтчыд эз гижлы ни эз звѳнитлы. Торйѳдѳм борын ми эгѳ нин аддзысьлѳй...*

*Ми паньдасим курортын. Бурѳдѳдысьясыс висьталісны, мый менам некѳр оз ло кага, но артмис збыльыс дивѳ! Ѳні ме кута мездорын кагаѳс, мянлыс кагаѳс. Ме лыддя сылы батъыслыс кывбуръясѳс, а сійѳ нѳнясьѳ да чуймѳм синмѳн видзѳдіг кывзѳ.*

Тодіс-о сылон батыс, мый чужас ичотик лов? Косыйсьо эскыны, мый тодіс...

*Нюжодлы голято, нюжодлы!..*

*Видзодлы ошинь пыр, видзодлы!..*

*Кыдзи йи дзоридзьяс озйоны*

*Кодзидсьыс гордодом кыаысь!..*

– Зэв лосьыд!.. – лыддигмозыс шыасис Егорий. – Быттьо збыльсыс кагаос кыин кутышти!.. Дай кывбурыд мича жё. Дзэнь серпас воссьо:

«Товся асыв. Ошинь стеклѳяс йизьѳомаѳсь кодзидсьыс, сѳмын выліас векни кост. Татшѳм асыв овлывлѳ январ помын, Ва вежѳодан дырѳья... Тѳ сулалан ѳшинь дорын да кок чунь йылад нюжѳдчѳмѳн видзѳдан кыа вылѳ. Коран ассьыд ѳртѳ... Шѳпкѳдан нимсѳ, но ставыс весышѳрѳ!.. Сійѳ пукалѳ пызан сайын, вильѳѳѳлы да шуѳ, мый нѳ пѳ тѳ меным нинѳм абусѳ кѳсьян петкѳдлыны! Вот эськѳ пѳ сѳн волі кѳ калбас бедь либѳ сѳм мешѳк, сѳки да... Сѳки эськѳ позис видзѳдлыны голя нюжѳѳѳмѳн!..»

– Со мында кыв ковмис видзны, медым висьтавны кывбурсѳ прозаѳн! – шудапырысь шуис Егорий. – Медся бур, мый тѳ кылан йѳзлысь дойсѳ... Тайѳ медся бур!..

– Егорий дядь, позьѳ шкапсьыд изтѳ видзѳдлыны? – лѳня юаліс сѳсся Пима.

– Позьѳ, дерт! Час, перѳья!.. – ловзис Егорий.

Сійѳ видзчысьѳмѳн мыччис донаторсѳ Пималы. Нывка лыддис: «Динозавр кольк. Куим миллион во мян зраѳдз». Сѳсся видзѳдліс жугалѳминсѳ да радпырысь горѳдчис:

– Егорий дядь, видзѳд, видзѳд! Сѳн ичѳтик динѳзавр юр! Аттѳ дивѳ! Кутшѳм мича!

Егорий нимкодя кывзис да видзѳдис Пима вылѳ. Олѳма морт тайѳ здукас гѳгѳрвоис, мый на костын чужис югыд йитѳд. Сійѳ и радліс, и шѳйѳвошис, дай ѳтпырйѳ повзис: ѳд некѳр некѳдкѳд ѳнѳдз на татшѳм лѳсьыда да яндысьтѳг эз сѳрнитлы. Егорий гѳгѳрвоис, мый тайѳ Муслун... Ыджыд, помтѳм да дортѳм Муслун, кутшѳм овлѳ ѳтчыд морт нѳмѳ. Дерт, и Анята вылас эз жѳ кын сьѳлѳмѳн гѳтрась, но ськѳд татшѳмыс эз вѳв. И радліс, мый вевьяліс кывны тайѳ Муслунсѳ олана олѳмсьыс мунтѳдз...

Стен сайын, кылѳ, кыптис енѳжѳдз гаж. Прамѳй гораа нин сьылісны да йѳктисны...

– Вай, Пимук, ме тѳныд ѳти ѳбраз петкѳдла... – лѳня шыасис Егорий. – Дерт, вичкосаыд мѳд пѳлѳс, но тайѳ... Аслам. Абу на дзикѳдз помалѳма, но тѳныд позьѳ петкѳдлыны.

И Егорий кулис стен бокас пёровтём рамка вылысь дора-  
торсё.

Пима матыстчис да кынмис места вылас кутшөмкө гөгөрвотём  
радлөмысь: сы син водзё арся пемдём туруна видз вомён воссис  
паськыд туй. Туй вылас сулалісны том, мича ань да сылөн пиыс,  
ар нель-вита детинка... Мамыс шуйга кинас кутыштёма чышгьянсё  
төлөн лэбөдөмысь, а веськыд кинас ас бердас топөдёма писё. Зон-  
каыс шапкатём, восьса юра. Видзөдө веськыда Пима вылө стрөг,  
но сөстём синмөн. Мамыслөн жө видзөдласас – помтём шог да  
радейтём...

Кортём нин пуяс да ыліас пемыд кымөрьясыс нөшта на  
выпсөдісны мама-пиалысь нор русё. Пималы чайтсис, быттьө сійө  
ачыс тишөтш сулалө тайө туй вылас, мама-пиалы воча, көсийө маты-  
стчыны на дорө да горөдны: «Эн лэдз кагатө, виасны!» А зонкаыс  
быттьөкө шуис: «Тода...»

Пима бергөдчис Егорийлань да видзөдліс олома морт вылө  
синва тыра синмөн...

«Гөгөрвоис өд, гөгөрвоис менө!.. – мөвныштис Егорий. –  
Ак, нылукөй, нылукөй! Муса нылукөй!.. Кутшөм киө тэ веська-  
лан?.. Коді тэнө босьтас?.. Коді сяммас видзны тэнсьыд югыд лов  
битө?.. Вермас-ө дөзьөритны, да видзны, да кыпөдны водзө?..  
Быдман-ө тэ мича пожөмөн гажа ягын, али вундаласны да шырас-  
ны ас ногныс, карса пуөс моз?.. Кутан-ө тэ лоловны сөстём сынөдөн,  
али пөдан да косьман лёк тшынас?..»

### III

Мөд асывнас Анюталы лоис лёк. Висьмис сьөлөмыс. Егорий  
корис тэрыб отсөг. Нуисны Анютабс карса больничаө, Егорий  
лунтыр оліс сы дорын... А войнас Анюта куліс.

Сьөкыд кад – гуалөм да кодрасьөм. Ставыс лёк вөтын кодь.

Егорий дзикөдз өтдортчис йөзсьыс. Унджыксө оліс вөрын  
да ва дорын.

Тадзи колис во. Кадыс неуна бурдөдіс сьөлөмсө. Егорийөс  
бара кутіс кыскыны йөз дорө, и Виль во бөрын сійө мөдөдчис  
Украинаө, медся ичөт ныв ордас, көсийс олыштны сэн тулысөдз.  
Но став ылысса мичыс өдйө мустөммис. Ёдва-өдва колляліс кык  
вежон да мөдөдчис бөр чужанінас. Москваын пыраліс «Третья-  
ковкаө». Вөляникысь кытшөвтис став залсө, видзөдаліс дивө кодь  
серпасьяссө. Крамскойлөн «Неутешное горе» серпас водзын дыр  
пукаліс лабич вылын... Бара дум вылас усис Анюта да гозья кост  
олөмныс. Бара сьөкыд гажтөмлун шымыртис олома мортлысь  
сьөлөмсө.

Гортó воом бóрас Егорий висьмис. Висьмис ёна. Став оломыс сылы мустоммис, ставыс лои веськодъ. Сійó радейтис Пимао́с, но поліс тшыкодны том нывлысь оломсó. Быд лун Егорий водзó кусіс и кусіс. Шочджыка и шочджыка петавліс керкасьыс.

Пима велóдчис юрка́рса институтын, гортас во́львліс шоча, куш шойччан лунъяс кежлó. Быд воліг пыравліс Егорий ордó, но Егорий кутіс асьсó ныв водзын кодзыда...

Óти субóта рытó Пима бара воис карысь. Видзóдó да, Егорий керкаóдз туйыс тырóма лымы́он, óшиньяс пемыдóсь... Пима пырис гортас да тóждысьóмóн юалис мамыслысь:

– Мый нó, Егорий дядь кытчóкó муно́ма али мый?

– Ог тóд. Неважон врач воліс, шуис, давленньó сылón, но сідзсó ставыс пó бур... Некымын лун нин Егорийóс эг аддзыв. Гашкó, кувсис нин да... Аски асьв кóсий участкóвойóс корлыны.

– Ачыл нó мый эн пырав?

– Пола. Мый йóзыс шуасны... Верóссó пó вахтаó мóдóдіс, а ачыс óтка мужиккóд во́лысьó.

– Йóз да йóз! А совесьтыд тэнад эм? – бóрддзис Пима. – А мортыс кó збыль висьó...

Пима шыбитіс нопсó кок улас да котóрón уськóдчис Егорий ордó... Пырис керкаас, биасис: керкаыс кодзалóма, ведраын весиг йи кенясьóма. А Егорий куйліс крóвать вылас пась да кык шебрас улын. Пима ырмуно́мón пуксис сы дорó, пуктіс шоныд, небыд кисó Егорийлы бан вылас. Мóдыс восьтіс синсó...

– Мый лоис, Егорий дядь? – повзьóм гóлосóн шыасис сы дінó Пима.

– Кувны кóсья, – вашкóдіс Егорий. – Овны ог вермы.

– Мый нó сідз?

– Гажтóm... Помасис менам оломой... Помасис.

– Водз на кувны! Кылан? Водз на!.. Ме тэнó сувтóда кок йылó... Ме тэнó ог коль! Кута тэкóд овны... Меным некод оз ков... Тэ медся бур мортыс му вылас. Кылан? Тэ медся бурыс!..

– Ак, нылукой, нылукой, – вашкóдіс Егорий, да та пóрийó курыд си́нва петіс мужик мортлón. – Кага на тэ, кага... Кыдз нó ми кутам овнысьó?

– Ог на тóд... Но ме тэнó радейта! Меным некод оз ков! Кылан? Оз кóв!.. Час, ме ломта пачтó, шыд пуа. Чеччы, ужнайтам сэсья... Аски пывсянтó ломтам: корóсьяла да лымы́ын тупляла, óдйó ловзян!.. Эн бóрд, ставыс бур лоас.

Егорий кутліс Пималысь кисó да окыштіс ки пыдóсас... Гóгóрвоис óд, мый сійó колó Пималы. Мый Егорий óні абу óтка... Омóлик, но надея сетана би óзйис сьóломас. Надея овны водзó...

Ужнайтом бõрын Егорий чõскыда унмовсис. Пач ваймом виччысигмоз Пима босьтис кias Егорийлысь тетрадьсõ, листальштис да мõдис лыддыны:

«...Вокзалын поездõс виччысигмоз пукалi да видзõдi йõз бõрсяыс: зили гõгõрвоны, кодi на пиысь лоõ купеас менам суседõн. Друг казялi, мый кузь, еджыд тошка дядьõ, кодi лыддис журнал, мыйлакõ журналсõ увлань юрõн кутõ! Ме матыстчи сы дiнõ да юала:

– Мыйла нõ увлань юрõн лыддян? Абу õд лõсьыд!

А сийõ шуõ:

– Менам поездõй асывнас локтас, а войсõ õд кызкõ коллявны колõ. Увлань юрõнсõ надзõнджык лыддыссьõ.

– Мый нõ либõ унджыкõс он ньõб?

– Став лавкаыс пõдса нин.

«Гашкõ, и меным сiдз видлыны? Журналыс õд эм жõ сумкаын...», – мõвпыштi ме. Дыр пукалi, лыддыси увлань юрõн. Син музтõдз! Сэсся чеччи кокõс веськõдыштны...

Еджыд тошкалõн мыш сайõдыс муниг видзõдлi пельпом сайõдыс... Но! Пõръялис да! Кышõдсõ, вõлõмкõ, нетшыштõма да увлань юрõн бергõдõма, а журналсõ колана ногõн лыддьõ!..

Видзõдлi õтарõ-мõдарõ да нюмунi... Абу ме õтнам йõйыс! Со мындаõн журналъяссõ увлань юрõн кутõны!»

Пима сьõлõмсяныыс, гажаа серõктис... Егорий садьмис, чуймõмõн видзõдлiс Пима вылõ.

– Прõща кора, Егорий дядь. Ме тетрадьсыд лыддыштi! – серам пырыс шуалис Пима.

– Лыдды, мусукõй, лыдды... Тэныд ставыс позьõ... Тэ менõ Ёгушõн шу, сiдзи менõ мамõ коркõ шулис...

– Но. Ме сэсся, гашкõ, муна?.. Тэ узьышт. Ме пач трубатõ пõдлала, а аски бара локта. Быд лун кута волывлыны... Аддзысьлытõдз... Ёгуш, – яндысьыштõмõн на шуис Пима да окыштис Егорийõс.

Егорий паськыда нюмъõвтис да шудапырысь вашкõдис:

– Адзысьлытõдз, Пимук...

#### IV

Воис тулыс. Небыд видзõдласа югыд шондi мелiа шонтис да ловзьõдис вõр-васõ. Мõдис ловззыны и Егорий. Тшõкыдджыка нин петавлис ывлаõ да дыр пукалис шондi водзын, нимкодясис медводза том турунõн, сылан лым улысь петõм мугов рõма муõн, лбачьяслõн сьылõмõн. Егорий радейтис тулыссõ. Ёнджыка на радейтис

тувсов кадсё, кор ытва чинё... Сэки абу на номъя, а пуяс пась-  
тасьёны нин мелі веж корьясён и лёсыда сьылёны вёрса лэбачь-  
яс. Радейтис, кор косьмё му да сиктса войтыр петёны гёрны. Шко-  
ласё помалёмён тшотш коркё сійё пырис совхозё уджавны трак-  
тористён да ноксис сэні пенсияёдзис. Ёні на быттё тшёкыда  
кыліс трактор гусеничалысь тратшкёдчёмсё, аддзис му путкыль-  
тан гёрлысь шонді водзын югьялёмсё. Нэмсё вёр-ва пөвстын,  
нэмсё туйын...

Татшём кадё и модісны Егорий да Пима Еджыд ю дорё, вёр  
керкаё. Локтисны, лэччөдісны ва вылё пыж, пуксисны да гозйён  
нин быттё модісны сынны да нимкодьясны татчөс мичаинъяснас.

Егорийкөд пыжас ёні пукаліс эз нывка, коді төвся рытё  
воис аслас гижөдъясён... Сы водзын пукаліс том да ён, мича ань,  
коді көсийс лоны мамён, көсийс ачыс радейтны да лоны радейта-  
наён. Жар мугёмсьөд синмён сійё сотіс Егорийёс, быттё көсийс  
шуны: «Босьт менё верөс сайё! Тэ абу на пёрысь, тырмас өтувья  
шудыс нэм кежланым!»

Егорий кыв шутөг кежөдіс пыжсё тувсов шонді водзас шо-  
налём нин лыа ёзынъяса береглань...

– Мамё, ме садьми! – горөдчис Игнаш. – Бур асыв, мамё!

Пима энөвтчис гижөмсьыс, пөдлаліс тетрадьсё, нюжма-  
сьыштис да шудапырысь очсыштис: «Аски, буракё, помала...», –  
сэсса кокныдидика жбыркнитис пызан сайсьыс...

– Бур асыв, пиук! Садьмин кө, пасьтась да мыссьы, сёйны  
пуксям!

– Көні нё батьё?..

– Аскомьсь локтас. Кольё дядьдыкөд Еджыд ю дорё мунісны  
турипувла.

– Батьё меным мича изьяссё бара ваяс?

– Ваяс, дерт... Гачась вай, гачась... Но... Сюю коктё...

– Вай, мама, динозавр колькинад ворсышта...

– Йёлон роксё сёйышт, да коть рытөдз сэсса ворс...



## Небыд сьолём

Небыд сьолёмтө нормодны кокныд,  
Өти кывйыс и тырмылө со.  
Синмыд вазяс и гөрддзасяс горшыд,  
Паныд кыв шуны выныд оз ло.

Өтнад колян да пөттөдзыд бөрдан,  
Оз кут гажөдны олөмлөн мич.  
Эськө вөлі кө сьолөмыд көртөн,  
Өти кыв вөсна тадзи эз вись.

Косөд синватө, лэптышт вай юртө,  
Тавись морттуйыд ньөти оз чин.  
Көть и гөлөсыд мытшъялө, дзуртө,  
Эн лысьт воштыны ассьыд бур ним.

## Олём – пос

Менам олём – тайө джудждыд пос,  
Кысянь оз ков уськөдчыны улө.  
Вуджны кө нин понді – бөр ог кос,  
Көть и ытва дырйи ваыс тулө.

Олём – пос, но сійө оз на чег,  
Сөмын на өд кавшаси ме сэтчө.  
Лэчыд төв кө пөльыштас – ог лэб,  
Некор швучкысь қөдзыдлы ог сетчы.

\* \* \*

Бара синва бандзиб кузя тюрө,  
Шудлунсьыс ли гажтөмсьыс – ог төд.  
Кольөм қадъяс воисны тай юрө,  
Бытьө сэки ачым вөлі мөд.

Мортыд өд тай лунысь лунө вежсьө,  
Пөрысьмөны чужөм, кок да ки.  
Но, а сьолём өтмоза пыр пессьө,  
Кольөма на сәні ломзьысь би.

Сійө тшөктө вөчны мыйкө бурөс,  
Мый ме важөн көсий, а эг вөч.

Ог на тѳд ме олѳмыслысь сюрѳс,  
Сы вѳсна и пола, быттьѳ кѳч.

Но ѳд эм на вынѳй уна, уна...  
Да и кадыс абу на и сѳр.  
Олѳмыс пыр водзѳ шлывгѳ-мунѳ,  
А ме орчѳн... кывза сылысь гор.

### Тѳтѳг

Тѳтѳг олѳмыс – сьѳд рѳма дѳрѳм.  
Тѳтѳг олѳмыс – жугалѳм доз.  
Тѳтѳг тасасьѳ горшѳ нянь шѳрѳм,  
Дыр оз кисьмы и пельсьлѳн роз.

Тѳтѳг тулысыс – пиньтѳм скѳр баба.  
Тѳтѳг тулысыс – кодзувтѳм вой.  
Тѳтѳг му вывтѳ ветлѳны тшапа  
Помтѳм зыксьѳм да лѳк сьѳлѳм дой.

\* \* \*

Ми ѳта-мѳдысь янсалѳм,  
А гожѳм – сыысь мыжа.  
Ми керканымѳс тасалѳм,  
И эновтѳм зѳв дыша.

И тайѳ шоньд гожѳмыс  
Мен морѳсѳс оз шонты.  
Кѳть кий-кокѳй гожъялис,  
Но войнас пач ме ломта.

Кор зѳра арыс игѳдчас,  
Ми восьтам керка ѳдзѳс.  
И ѳна-ѳна дзигѳдчам,  
Сѳк ньѳти оз ло кѳдзыд.

## Дзуг

Мыйла менсьым садьмөдін тэ съёлөм,  
Коді узис чөскыд унмөн дыр?  
Көні нө тэ өніөдзсө вөлін,  
Мыйла сөмын талун мыччин ныр?  
Гашкө, кыськө мөд му вылысь усин,  
Аддин сөмын менсьым өдзөс вуг.  
Менам сывйө шедін кө да дзугсин,  
Оз нин разьсы муслуныслөн дзуг.  
Синмөс моз ме видза тэнө өні,  
Медым бара мөдлаө эн кеж.  
Сөмын лабич тыртөммөма, көні  
Тэкөд йөзлысь петкөдывлім веж.

\* \* \*

Мен нюмьөвтіс асылыс,  
Муслунсө сетіс,  
А шабді кузь юрсіөс  
Төвруыс летіс.

И киасис асылыс,  
Окыштіс бапөс.  
А дзирдалысь шондіыс  
Казьтыштіс мамөс.

\* \* \*

Тайө войыс бара ичөт унма,  
Синмөй ывла вывсьыс дыр оз кеж.  
Мый эськө пыр виччыся ме думнам?  
Мыйла менсьым петкөдлан тэ веж?

Но он мыччысь, пемыдас и кусан,  
Миян костын туйяс да съөд вөр.  
Тэ мем ставсьыс дона, ставсьыс муса,  
Зарни ёкмыль, дона съёлөмшөр.

Эска, туйыс миян костын югдас,  
Менам синмөй аддзас тэнсьыд син.  
Гашкө, сэки синва петны дугдас,  
Польысь съёлөм аддзас ассьыс ин.

## Гажтөм

Пачын куш кольома поим,  
Важон нин тшыныс оз пет.  
Кытөнкө омлялө коин,  
Узьнысө меным оз сет.  
Бара со воома войыс,  
Гажтөм да вывті тай кузь.  
Сьолөмс нюкыртө дойыс,  
Сы вөсна пыр на ог узь.  
Синъясөс лапйодла чөла,  
Куня кө – воссясны бөр.  
Ывлаыс важ моза төла,  
Ку пиө некызд ог төр.

## Кодзув

Өти кодзув со енэжсянь усис,  
Усьыс кодзув по вайө век шуд.  
Сөмын сийөс эг аддзы ме мусьыс  
Да и лэччигас кыин эг кут.

Дыр нин пессис да ёнтис том сьолөм,  
Гудыр олөмыс быгтёкө вөт.  
Мортнад лонытө сьөкыз тай вөлөм,  
А ме та йылысь өнөдз эг төд.

Кодзув усигас синъясөс осьті,  
Со и төдмалі шудылысь дон.  
Кодкө енэжса би чирө босьтіс,  
А ме куш киа. Сьолөмөй дон.

\* \* \*

Мортлөн олөм – тайө небөг,  
Кысь ме шыпасьяс ог төд.  
Өти лист бөк осьта, мөдөс –  
Ставыс төдтөм, ставыс сьөд.

Кужтөг строчкаясө лыддя,  
Джөмдывла, но нинөмтор.  
Йөзлысь отсөг пункта пыдди,  
Вывті унасө ог кор.

Мортлөн олөм – сьökыд небөг,  
Лыддыны оз тырмы вын.  
Кадыс пышйö, кадыс лэбö.  
Ог мöй ю визулыс сын?

### Гожöм пом

Гожöмыс тимбыльтчис öдйö,  
Тыртöммис, лөнис ю дор.  
Кыаыс портмасьö-öзйö,  
Гудöклөн шыыс зэв нор.

Шойчöны коса да куран,  
Уджавсис ассыныс пай.  
Мöд воөдз наөн ог дурöй,  
Виччысям зэр да сьöd няйт.


Зымвидзö пелькиник зорöd,  
Сарайным турунөн тыр.  
Гудöклөн шензьöдан горыс  
Пель водзын кылас на дыр.

\* \* \*

Тэ коми кыв он пукты пыдди,  
Тэд коми кывйыс – мустөм, сьöd.  
Тэ небөг комиөн он лыдды  
И öти сьыланкыв он төд.

А ме со коми нылөн чужи,  
Мем тайö кывйыс матыс, ас.  
И сьывны комиөн ме кужа,  
И кужа тэчны коми пас.

И тэныд тшапа верма шуны:  
«Ме тэысь озырджык на ныв,  
Öд тэныд муса рочысь кындзи  
Ме нöшта төда коми кыв!»



Евгений  
Мартынов

*Чужлі Лозым сиктын 1962 вося сентябрь 21 луно. Кокъя-мысод классодз велодчи Лозымса школаын, а сэсся Паджгаын. Армияо ветлом борти уджалі Усинскын.*

*1987 воын готраси да овмодчи ас чужан сиктын. Оні уджала школаын. Ёна радейта ворын уявны пицальон да пес-терон. Ва доро ветлыгла спиннинг-вугыр шатинон.*

*Медводдза кывбурьясос босьтылі гижны рочон, а сэсся чужан кывйой кыскис.*

\* \* \*

Мый нё колё олёмас? –  
Коми кыв,  
Шоньд паччөр да съод пывсян,  
Мича ныв,  
Керка-карта, вөр-ва, му,  
Муса удж.  
Дышодчытөг ов, эн нюжмась,  
Состё пудж.  
Мед-тё эськё бать да мам,  
Поль да поч  
Олісны на миянкөд сё воодз.  
Уна челядь гажөдісны  
Миян лов.  
Мед-тё эськё немьсь повны  
Эз и ков.  
Мед-тё эськё кывтіс-катиc  
Олём сідз.  
Мед эз дзугсьы да эз ор  
Олан визь.

\* \* \*

Татчө мортыд локтө пасьтөм.  
Сьорсьыс абу пань ни тасьтi,  
Абу дөрөм, абу гач.  
Шуны, абу немтор нач.  
Олө-вылө, сөвмө-быдмө,  
Лун да вой пыр воыс лыдмө.  
Нажөвитө сьом и эмбур,  
Олом-вылом сьлөн зэв бур.  
Төдө, гашкө, кымын кыв,  
Быдтө пи и быдтө ныв.  
А кор бөрря туйө петас,  
Код төдас, мый Енмыс сетас.  
Гашкө, адө, гашкө, дiнас,  
Гашкө, некытчө он инась.  
Колөк, некодлы он ков,  
Кызди кужан, сiдзи ов.  
Енма-муа костас мунан,  
Сэни места вывтi уна.  
Гажтөм лөб, чукөстан:  
Сюзь Матьвей өд көнкө тан.

\* \* \*

Аслад сиктын ставыс дона,  
Ставыс радейтана ёна.  
Тайө ю и тайө му,  
Кильчө дорыш быдмысь пу.

Аслад сиктад медся гажа.  
Бура гажөдчылiм важөн.  
Өнi олөмыс нин мөд.  
Важыс быттьө узян вөт.

Аслад сиктад медся долыд,  
Медся сөстөм, кыпыд лолыд  
Сьөлөм вылад лөнь да югыд,  
Гашкө, тайө эм и шудыд.

\* \* \*

Коми пывсян,  
Блөдз кывсян-нималан.  
Буссө-няйтсө,  
Мудзтө, шогтө иналан.  
Гортад локтан,  
Тшайтө пуктан, кызди век.  
Румка вина,  
Пывсьөм бөрад, абу грек.  
Сэсся рытбыд пызан сайын  
Пукалан.  
Коркө кадө небыд юрлөс  
Люкалан.  
Чөскыд унтө, югыд вөттө  
Нем оз торк.  
Ассывводзнас чеччан-мыссян -  
Бара морт.

\* \* \*

Кизь кодь розя сылөн ныр.  
Мусө гудйө, оз ков зыр.  
Няйт гуранө водө,  
Сөстөмин оз корсь  
Тайө крукыль бөжа  
Руксысь (*порсь*).

\* \* \*

Ветлө вөрти, пиньсө йирө,  
Кодөс аддзас, сийөс пурө.  
Гашкө, ошкысь сөмын полө.  
Ассыс гуся олөм олө.  
Гоныс сера, быттьө пөим.  
Тайө лэчыд пиня (*коин*).

\* \* \*

Овлө Карко, овлө Лыско,  
Пес и турун доддьон кыскө.  
Шуан: «Но-о-о», и өддзас скач.  
Шуан: «Тпру», и сувтас нач.  
Сейө турун, сейө зөр.  
Тулыс воас – кыскө гөр.  
Позьө дом поводод нуны  
Юкмөс дорө васө юны.  
Көсьян өдийө – вылас сөв  
Тайө тэрыб кока (*вов*).

\* \* \*

Мортлөн тайө зэв бур ёрт.  
Эргө, увтчө, видзө горт,  
Увтө пөтка, тулан, ур.  
Буржык отсасьысь оз сюр.  
Синма, пеля, иса ныр,  
Лэптас көчөс пырысь-пыр,  
Дорьяс ошкысь и лёк мортысь,  
Пыр и вөтчас-петас гортсьыс.  
Сылы пөвийсь вөчан чом,  
Сэни шоныд, оз сөй ном.  
Овлө Катшыс, Буско, Лыско.  
Төлын даддьон тэнө кыскө.  
Абу ыджыд, но зэв ён.  
Тайө (*пон*).

\* \* \*

Лэбзьө быгтьө вертолёт,  
Некыт абу лют ни лёт.  
Сувтас сынөдас – оз усь.  
Тайө, дерт жө, (*юрсигусь*).

\* \* \*

Олө ылын – лыаинын,  
Көни гөгөр абу нинөм.  
Госыс мыш вылас кык пуд.  
Тайө сьөласьысь (*верблюд*).

\* \* \*

Тайо – съода-еджыд визя,  
Коть и пася, абу кизя.  
Водас муас, оз и шебрась.  
Тайо (*зебра*).

\* \* \*

Товбыд ниско-узьо гуын.  
Ур моз вермо кайны пуо.  
Ворти ветлодло – оз вош.  
Тайо варгыль кока (*ош*).

\* \* \*

Табья кока, тупыль юра,  
Ичот бож.  
Оло ворын, ставсьыс полё  
Олом чож.  
Повзяс – пышгяс, вочас гогрос  
Кытшов сточ.  
Тайо, дерт жо, кузь пельяса (*коч*).

\* \* \*

Кыйо шыр и кыйо потка,  
Оло ворын, ветло отка.  
Вывти мудер, оз кут иган,  
Вермас гортсьыд нуны чипан.  
Сэсся одйо ворё пышгяс,  
Божнас борсьыс туйсо чышкас.  
Кокьяс тэрыбось, оз мудз.  
Тайо биа рома (*руч*).

\* \* \*

Видз выло пета, кытшовта синмон.  
Некодлы, тыдало, таись оз инмы:  
Пу йивьяс абу нин вештыштём бокё.  
Видз коть, а верман на чегны и коктё.  
Абу тай мукодлон яндзим ни полём.

Мый эськө миянкөд ставнымкөд лоом!  
Кутысь да видысь со пө тай быри,  
Видзыс и, вёрыс и, горт гөгөр тыри.  
Тадзикон гөгөр кө тыртам да волям,  
Мый эськө асланым челядьлы колям.

\* \* \*

Со бара воис көдзыд төв,  
Со бара шутьлалө нин төлыс.  
И быттё тулысыс эз вөв,  
И быттё гожомыс эз воы.

И пунктө тола лунысь-лун,  
И радось челядь лымсө гартны.  
И менам челядьдыр оз вун,  
Көть унатор и оз нин артмы.

А овлө, босьтас челядь ру,  
И сэки надейтчан, мый тэрыб,  
Но, кывтысь воястө он су,  
Көть, быттё, том на вөлін төрыт.

Дерт, татысь коркө муна ме,  
Кызд кусө югыд рытъя кыа.  
Ог шогсы таысь нёти ме,  
Өд менам кольө пыла-пия.

\* \* \*

Воис ар.  
Муыс көрт.  
Усьө кор  
Вижа-гөрд.

Пожом-коз  
Важкодъ веж.  
Мукөд моз  
Лыс оз веж.

Пелысь яр,  
Сотчө дыр.  
Сьёла-тар –  
Жбыр да жбыр.

Дозмук босът,  
Ягö кай.  
Вотос-тшак  
Гортад вай.

Регьд нин  
Воас төв.  
Усяс лым –  
Доддяв вөв.

Турун, пес  
Ваян сэк.  
Кракла, гез  
Колö век.

Вөр-ваын  
Овлö сідз:  
Быд кадлөн  
Аслас мич.

### Мамөөс казгылөмөн...

Көть и коли нин со во,  
Бытгыö, төрыт на эн ло.  
Челядыд өд вөлі вит,  
Эз вөв тыртөм карта-гид.  
Ассывводзнас чеччан, пемыд.  
Со тай олін талзи нэмыд:  
Эббс-вынтö ставсö зэлөд,  
Ставсö дөзьөрит да велөд,  
Ставсö юктав-верд и пасьтөд,  
Вунөдлывлін весиг асьтө.  
А мый юыштлывлін стопка,  
Сійо өд тэ шойччөм понда.  
Төдлін верөсыдлысь кабыр,  
Мунлін тай со би пыр, ва пыр.  
Курыд шогыс быд лун личкө,  
Тэтөг олам со тай кызкө.  
Мед жө кевмысьөмөй инас,  
Енмыс сибодас ас дінас.

\* \* \*

Батьон-мамон вочом керка,  
Менам чужан позйой.  
Гажа олісны тан коркө  
Том да лосьыд гозья.

Өні гөгөр шы ни гу,  
Оз кыв челядь серам.  
Пөрө потшөс, эжмө му.  
Мый-нө сэсся керан.

Челядь быдмис, коді көн  
Ассьыс олөм олө.  
Сөмын коркө гождөмын  
Шочиника волө.

Керка сэки ловзьялө  
Пальөдыштлө унсө.  
Сэки сөмын аддзылө  
Войсө да и лунсө.

\* \* \*

Сиктса йөзыд овліс уджөн,  
Кокньыдлун эз корсь.  
Видзліс вөв да мөс, да кукань,  
Чипан, ыж да порсь.

Гөрис му да ытшкис турун.  
Пөрөдіс тшөтш вөр.  
Төдліс пила-чер да куран,  
Олөмыслысь көр.

Көдзліс зөр да көдзліс анькытш,  
Вөдитліс на нянь,  
Картупель да посни пуктас  
Мужичой и ань.

Уджөдліс и ассьыс челядь,  
Абу на көть ён.  
Төдлісны мед ичөтсянныс  
Нянь да совлысь дон.

Ставлы вөлі тырмө уджыд,  
Ставлы тырмис гаж.  
Помасис тай өти здукөн  
Косялісны – няж.

Ставыс быри, ставыс киссис,  
Ставлы воис пом.  
Тыри видз, и му, и пашня,  
Веротя и сён.

Том йоз уджавны оз тэрмась,  
Песлыны лы-сьом.  
Пычкёны со зыкён, косьён  
Поль-пöчныслысь сьом.

Бурлань вежяс оз-ö олём,  
Шудыс усяс кысь?  
Коркё бырлө оз-ö полём?  
Сотана жö пызь.

\* \* \*

Ой, тэ, олём-вылём,  
Муса челядьдыр.  
Школа дорса нöрыс  
Усьлө юрö пыр.

Школа дорса нöрыс  
Вöлі вывті крут.  
Исковтан тай сэсянь  
Ноко, видлы, кут.

Öні сійö абу.  
Эмпас, эськө, эм,  
Сөмын баддьөн тырём,  
Борщевик на тшем.

Горувланьыс нöшта  
Кодійома кык пруд.  
Некод öні сэтi  
Иславын оз кут.

Места вöлі уна,  
Гөгөр челядь тыр.  
Шогыс эз вöv эськө,  
Эз кö ставыс быр.

Вöлі Пашкин гуран,  
Ерö öньö дор.  
Чульк бок, склад ув керöс  
Да пекарня дор.

Ворсөм вөлі быдсяма,  
Гожөм ли көть төв.  
Мач гу, лапта, дзебсясьөм,  
Додялан ли вөв.

Челядь оз нин төдны  
Воддза, сэкъя гаж.  
Кольөма көть эськө,  
Абу на өд важ.

Школаө кө пыран,  
Челядь ставыс роч.  
Да и керөс бокад  
Лыжи туйыд шоч.

Кыдзи мукөд дырйи  
Чожө шульвлас:  
«Оз-ө мөй нө вайны  
Лызьсө лавкаас».

Гижи на көть эськө,  
Ог нин сэсся мөд.  
Верстьөбид өд тайөс  
Коді нө оз төд.

Ой, тэ, олөм-вылөм,  
Гажа челядьдыр.  
Школа дорса нөрыс  
Волө юрө пыр.

\* \* \*

Ок, и мыла коми сылан, радлө лов.  
Бордьястөг тай кыптан вылө, рай оз ков.  
Йирмөг мунө сюрса лыөд сэн и тан.  
Кутас лудны, легны кокыд – йөктөм пан.  
Сувтны эськө ставкөд кытшө киө ки.  
Сійө йирмөгыс мед бытшкас, быттьө би.



Юлия  
Медведева

Чужлі 1985 воын Емдін районса От сиктын. Өні меным 22 арос. Велодча СГУ-ын филология факультетын. Медся ёна радейта гижны кывбуръяс, серпасасьны да видзодны кодзула енэжө.

## Вөр-ва

Вөр-ва йöзлы шудлун сетö,  
Мичлун вылас вежыд петö.  
Öтнам вöрын ме ог пов.  
Татöн кыпавлывлö лов.  
Вöрын сьöлöм менам сьылö,  
Муна пуяс косттi ылö,  
Сöстöм сынöд лолышта,  
Нюмсер ассьым койышта!

## Медводдза радейтчöм

Медводдза радейтчöм,  
Медводдза муслун  
Менам пöсь сьöлöмын  
Некор оз куслы.

Медводдза видзöдлас,  
Медводдза йöктöм,  
Миянлөн радейтчöм,  
Бытьтö оз öктöм.

Медводдза сивва войт,  
Медводдза дойяс  
Некор ог вунод ме  
Узьлытом войяс...

\* \* \*

Ме абу нималана гижысь,  
Ме абу коми драматург,  
И менсьым съылём оз на тодны  
Ни Сыктывкар, ни Петербург.

Но гижны косьйыся ме водзё,  
Став вынос пуктыны ме дась.  
Мед ношта оти кывбур артмас,  
Мед гижны сідз, кызд Илля Вась.

Ме йёзлы сета ассьым съёлём,  
Ме сета налы ассьым лов,  
Мед сёмын лыддьё менсьым гижод,  
А унджыкыс мен оз и ков.

## Кыз пу

Еджыд кыз пу, мича нылёй,  
Лэпты юртё, веськөд кос.  
Товру лязё, песё тэнё,  
Нетшкё, дзугё вёсни рос.

Дзикөдз муөдз личкё тэнё,  
Швачкё, дойдё, нуё кор.  
Но эи сетчысь, водзё кутчысь,  
Тэтөг олём сэтшөм нор.

Тэнад мичыд синмёс ёрис,  
Волін мелі и зэв шань.  
Йёзын кывсин медбур кывйөн,  
Кыпыд юра муса ань.

Лёк пёраыс тэнё суис,  
Олём лои мисьтём, пеж.  
Ачыд аслыд тэ он лёсяв,  
Корйыд абу важ моз веж.

Босьта аслым съёлөм дойтө,  
Юка тэнсьыд ыджыд шог.  
Кыклы өтвыв лёксө венны –  
Тайө өні медшөр мог.

Петас, петас югыд шонді!  
Мунас ыло кымөр руд.  
Олөм пуксяс, бурдас дойыд,  
Воас, воас ыджыд шул!

\* \* \*

Усьө медводдза лым, усьө ньөжйө,  
Небыд эшкынөн вевтгьө няйт му.  
Гөн моз кокныыда сынөдті лэбө,  
Еджыд платтбөө пасьтөдө пу.

Өти здук, и став ывлаыс югдіс,  
Бытгьө съод арыс некор эз вөв,  
Гөгөр лөнъ, сөмын ичөт лымчирьяс  
Шөпкөдөны, мый матыстчө төв.

## Шонді

Петала ывлаө,  
Лольшта сынөднас.  
Шондікөд койышта  
Нюмсерөс эжтасас.  
Ярьюгыд шондыс  
Енэжын ворсөдчө.  
Гажөдө-сьылөдө,  
Сьөлөмөдз пырөдчө.

## Коми кыв

Дона ёрт, тэ төдан коми кыв?  
Сылысь гуся сьылөм, ыджыд мичсө?  
Коді сійөс чужтіс? Көні? Кор?  
Висьтав тайө мортлысь овсө, вичсө?

Мый нө ланьтін? Мый нө олан чөв?  
Яндзим, гашкө, вочакывсө шуны?

Карын дзикодз воштін ассьыд юр.  
Он тод, кытчö «йойыс» пондас нуны.

А öд сиктысь ачыд, тöда ме.  
Вирад тэнад коми руыс кылö.  
Мыйла колин ассьыд чужан кыв?  
Мыйла мунін миян дорысь ылö?

Кадыс мунас, коляс уна во,  
Сöмын роча сёрни öнi кылан:  
«Здравствуй! Как дела? Куда идёшь?»  
Он нин кывлы дона: «Олан-вылан!»

### Муса мамöй, дона аньöй...

Муса мамöй, дона аньöй,  
Сьöкыд уджыс вичмис тэн.  
Киыд шойччöм оз и тöдлы:  
Уджыс тыр то тан, то сэн.

Öти здук кежлö он пуксьыв,  
Быдтор киыд вöчны дась:  
Пестö, ватö колö пыртны,  
Дöмны важмöм роза пась.

Луныс мунас – он и аддзыв,  
Вöли асыв – со нин вой.  
Сёрөн пыран, водан узыны,  
Шойччö тэнад мудзöм сой.

Видз жö, Енмöй, татшöм мортсö,  
Выныс сьлөн мед оз быр.  
Ставөн пыдди пуктöй сийсö,  
Медым олас вель на дыр!

## Акань

Мамо козьналіс мен акань,  
Өні уджыс ськөд тыр.  
Ог ниң өтнам лунтыр ветлы,  
Аскөд босьта сійөс пыр.  
Луннас вура сылы платтьо,  
Рытнас пуа чөскыд рок,  
Өтшөтш ворсам, сылам, йөктам.  
Вежалө мен ичөт вок.  
Ыджыд аттьо шуа мамлы,  
Көть и акань абу морт,  
Но пыр гөгөрвоо менө,  
Кыдзи медся матыс өрт!

\* \* \*

Кор кыла тэнсьыд нимтө – сьөлөм вөрзьө,  
Кор кыла тэнсьыд гөлөс – кыптө лов.  
Мен сөмын колө, мед тэ вөлін дінын,  
А унджыкыс өд сэсся оз и ков.

Мед олантуйыс миян оз ло өткодь.  
И, гашкө, коркө разалам на ми,  
Но тайө мөвпыс көнкө зэв на ылып,  
И тэ ас киад кутан менсьым ки....

\* \* \*

Миян радейтчөм – кос лыа.  
Косья кутны содзын сійөс,  
Но лыа киссьө чуньяс костті...

\* \* \*

Вужтөм дзоридзтө  
кыдз көть эн видз,  
пыр жө косьмас.  
Сідз жө и миян радейтчөм:  
вужтөммис,  
нярмис,  
косьмис.

\* \* \*

Керка дорын лунтыр ноксьö  
Пöрысь дзормöм пöч.  
Уджыс тырыс, отсöг абу, –  
Ставсö аслыд вöч.

Лöдзьяс, помъяс дöзмöдчöны,  
Шондi пöжö, жар.  
Китö, коктö курччалöны –  
Танi абу кар.

Чужöм вылын уна чукöр.  
Киас гаддыс тыр.  
Нюмъявтас... Öд сылөн сёлöм  
Кольö томөн пыр!

\* \* \*

Ме войнас вöталi сьöд платтьö,  
Мый пасьталi ас вылö сийöс.  
И йöз пöвстысь ме тэнö аддзи,  
И воча мыччи ассьым киöс.

Ми сёрнитiгмоз мунiм кыкөн,  
И кыпавлывлiс менам лов.  
И сэтшöм вöли тэкöд кокни...  
А асывнас тэ эн нин ков.



Мари  
Останова

*Чужи и ола Сыктывкарын. Велодча СГУ-ын, управление факультетын. Гижа 17 ароссянь.*

## Андел

Сьöкыд вöлі луныс. Сэтшöма унмöй локтö! Аски ковмас вöчны ставсö, мый талун эг удит. А öни вода узыны... М-м-м... Шоныд вольпасын сэтшöм лöсьыд... Войяссö ме медся ёна радейта – сэки ме дорö локтö андел да нуö менö кытчöкö ылö-ылö, тöдтöм местаясö. Со и талун ме виччыся сийöс...

Кытысь кө öвтыштіс небыдик төв, бергалыштіс ме дорын, мыйкö шöпкис пельö, но ме эг гөгөрво. Ки-кок шоналіс, лолавны лои кокныдджык. Кодікö зэв меліа малыштіс юрöс, неуна ворсыштіс юрсіөн. Сэсся босьтіс киöд да окыштіс чуныясöс. Тайö андел локтіс ме дорö! Сийö сэтшöм югыд, дзирдалысь, нюмъялысь! Быттö мойдысь, кодöс висьтавліс меным мамукöй ичötдырйи.

Андел корис менö ас дорас. Менам быдмисны сэтшöм жö бордыяс, и ми сыкөд кайим кытчöкö енэжас, лэбзим ылö горт дорысь, дзесим ставöнысь. Некод мянöс эз аддзы, некод эз дивит, некод эз серав – ми вöлім кыкөн. Нимкодясим öта-мöднымөн, купайтчим кымбръясын, пукалім кодзув вылын, лэбалім енэжтіс да сёрнитім... Ме унатор төдмалі андел олөм йывсыс. Кыдзи и йöз, андельяс чужöны, олöны, кулöны. Вермöны гөтрасыны либö петны верöс сайö, чужтыпы кагаöс. Найö висьöны и бурдöны. Пыр радлöны. Юалі, шөгсьöны-ö найö, висьлö-ö налөн ловныс?

Вөлөмкө, оз. Анделос весиг шензёбодис менам юаломыс – ог по тод, мый сэтшомыс дой, скорлун, вежогтом. Ме неуна дозми – мыйла ме эг чуж анделон? Лэбали эськө енежти, некор эг мовпав омольтор йылысь, и ставыс вөлі менам бур. И друг андел висьталіс, мый вермас вочны ас кодысон жө. Ме эг тод, мый вочавидзны. Косйи эськө шуны «Да!», но сёлөмөй заводитіс тэрыба тіпкыны, синмөй гудыртчис, ки-кокөй сьоктаммис...

Ме садьми. Андел век вөлі менам мовпясын. Некидз эз вун сылон висьталомыс. Гапкө, коліс кольччыны сыкод, лэбали эськө өні енежти, вөлі мичаон да югыдон. Неуна куйлышти вольпасьын да чеччи. Вөлі нин сөр асыв. Видзөдлі ошинь – войнас усьома медводдза лым. Муыс вөлі еджыд, выль. Быттьо кодкө нетшкис андел бордьяссьыс ловгонсө...

Ме дыркодь сулалі ошинь дорын. Лым чирьяс ньөжйоника лэчисны енежсянь, йөктісны, сывъялісны өта-мөдсө. Друг менам жырйө пырис мамукөй. Ме видзөдлі сы вылө – и гөгөрвои. И кызди нө тайос водзджык эг казявлы?

– Мама! Тэ андел?

Сійө серөктіс да шуис, медым ме эг сөр. Бергөдчис да петіс жырйысь.

Меын мыйкө вежсис. Кызд нө ме водзджык эг тодмав, мый ме бокин оло андел?! Тайос отсаліс меным тодмавны өртөй, коді волө вөлі ме дорө войяснас. Таысь сылы зэв ыджыд пасибө. Ме сійос некор эг нин адзыв, сійө эз нин воны ме дорө. Гапкө, ме эг и косйи... Од дзик ме ордын оло збыль андел, и ме сійос верма адзыны ог сомьын войяснас, а кор косья. Сійө век ме бокин. Югзөдө оломос...

## ВЫЛЬ ВО

«Бара январь өтиөд лун... Кутшөма кадыс лэбө. Мурка, кылан-он? Тайө менам квайтымын өтиөд выль во. Мурка, кыс-кыс, лок, лок ме дорө... М-молодеч! Регыд локтасны да гажаджык лоө. Мыйкө дыр оз воны, дас кыкод час нин», – аскөдыс сөрнитіс Вера Степановна. Сійө пукаліс ошинь дорын да виччысис писө, моньсө да радейтана внукьяссө. Сомьын өтчид вонас – выль волон медводдза лунө – найө семьянас чукөртчылісны ыджыд пызан сайын.

Радио пыр юргис важ, но зэв тодса мича сьыланкыв. Баба Вера (тадз шуоны сійос став суседыс) мовпяснас недыр кежлө

бергѳдчыліс том кадас, казътыштїс кавалерьяссѳ, ѳртьяссѳ и думайтїс, кутшѳмѳсь найѳ ѳні, мый вѳчѳны, кѳні олѳны? Гашкѳ, унаѳн абуѳсь нин, код тѳдас... Баба Вера бѳсьтїс шкап вылысь рѳмпѳштан да видзѳдліс аслас чужѳм вылѳ. «Да, кадѳ бѳр он бергѳд, нинѳм он вермы вѳчны. Но ничего, эз дыр нин коль...» – думыштїс ань неуна дѳзмѳмѳн. Дерт, кадыс вежис баба Вераѳс. Мичаник, югьялысь чужѳм вылын артмисны чуқырьяс, са сѳд юрсиыс лои едждыдѳн, кийс-кокис висьышталїсны.

Выль во вѳлі баба Вералѳн медся радейтана гажѳн, ѳти пызан сайын пукалїгѳн вѳлі збыльысь зѳв гажа. Баба Вера нимкодьясис пинас, внукьяснас, адззыліс найѳс ѳтлаын, мукѳд луно найѳ волїсны ѳткѳн-кыкѳн, кодї кор вермѳ, кодлѳн эм кадыс. А овліс и сїдзи, мый эз видлывны куим вежонѳдз – уджалѳны пѳ! Баба Вералы ѳтнаслы гажтѳм, но мый вѳчан, татшѳмѳсь ѳні том йѳзыс. Некор налы пукуыштны, гѳсьтитыштны. Регыд баба Вера ордын овмѳдчис кань, кодкѳд позьѳ и сѳрнитыштны, и ворсьыштны. Каньыс вежис Вера Степановналы внукьяссѳ, лои медбур ѳртѳн, зѳв коланаѳн да донаѳн.

Друг ашьлѳн синмыс ѳзйыштїс, сїйѳ ѳдїѳджык кѳрталїс юрас важ чышгьян да петїс.

– Локтѳй пырѳй!!! Ывлаыс кодзыд, кынминныд? Тшай пункта, ѳдїѳ и шоналанныд...

– Бабу! Выль воѳн тѳнѳ! Став бурсѳ!

– Пасибѳ, Максим. Но, пуксьѳй пызан сайѳ. Дыркодь тїянѳс виччыси, – баба Вера нюммуніс.

Пызан вылын вѳлі тырыс чѳскыдтор, ичѳтджык Максим внукыслы медьѳна кажитчисны шаньгаяс, а ыджыдджыкыс – Миша – радейтїс черинянь. Таво бабуыс уна жѳ пѳжасьѳма.

– Мый тїян выльыс? Саньѳ, бѳсьт салатѳ... Вай пункта.

– Да ставыс важ коддыс, аски уджала нин, Москваѳ лѳба. Челядь каникуласьѳны, шойччѳны. Света аскомысь удж вылас петѳ жѳ. Эгѳ и вермѳй шойччыштны. Мам, а тѳ кыз олан?

– Ме? – быттѳ повзѳмѳн юалїс баба Вера, чеччис, петалїс посводзѳ да пыртїс студень. – Талуц то Алексеевна волїс, сыкѳд бызгыштїм, норасьыштїс меным, пенсияыс пѳ ичѳт. А кодї ѳні бура олѳ? А сѳсья и всѳ, некод эз волы, а ме ачым некытчѳ эг ветлы – ывлаыс кодзыд. Ешѳ содта? Сѳйѳй, сѳйѳй, эм на...

Баба Вера видзѳдїс гѳсьтьяс вылѳ, и сѳтшѳм долыд вѳлі сылы. Тшѳкыдджыка кѳ эськѳ волїсны! Зѳв лѳсьыда коллялісны кадѳ: сѳйыштїсны, телевизор пыр концерт видзѳдыштїсны, и бара пызан сайѳ пукисны.

Öльöksаныс уджалó лётчикóн, пыр лэбалó, гортын оз и овлы. Сійó баба Вералóн óтка пи, и мамыс ёна тóждысьó сы вóсна, кóть Öльöksан важóн нин быдмис, гóтрасис.

Баба Вера лэбач моз бергаліс Максим да Миша дорын, юасис велóдчóm йивсьыс. Гозъя пукалісны мóд жырыйн да видзóдісны кутшómкó тешкодь передача, коді збыль вылас эз вóв тешкодьóн. Тадзи и коли рытыс, сёрнитігад эз и казаявны, кызди пемдіс. Ыв-лаын тыдовтчисны йóз да заводитісны лыйсьыны хлопушкаон, кыліс гигзьóm.

Друг Öльöksан петіс да видзóдліс мам вылас кызкó повзьómóн, óд важóн эз аддзыв мамыслысь татшóm мичаа нюмъ-ялómсó, да нора шуис:

– Пемыд нин, ми мóдóдчам ньóжйóник.

– Сэтшóm регыд! Олыштой на, кытчó тэрмасынныд, донаяс?

– Меным аски водз чеччыны. Гашкó, Максим кольччас.

– Ме ог.

– Мыйла он? – небыда юалис бабыс.

– Сійóс гортын компьютер виччысьó, лунтырьясón ворсó, – вочавидзис моньыс.

– Но инó. Кызд кóсьянныд, – баба Вера пасьтасис тшóтш, петіс колльóдны, но ачыс зэв ёна кóсйис, мед найó эз мунны, мед пукальштісны неуна...

– Бабу, эн вись! Ме коркó вола, – шуис Миша, кор найó вóліны нин забор сайын.

«Коркó... Кор? Тóлысь мысти?» – мóвпыштіс Вера Степановна и гораа бóрдзис... Но сылысь бóрдómсó некод нин эз кыв... Сьóлóмас сылón бара óзйис бипур, но тайó ыджыд лóз бисó некод оз вермы кусóдны, сійó важысянь нин сотчó, то ёна, то небыд-джыка, ньóжйóника сёйó вынсó... Вера Степановна тóдó, мый сы-ысь он мынтóдчы, некутшóm бурдóдысь, некод, весиг Мурка кань-ыс, оз вермыны сылы отсавны...

## Вуджór

Мыйла тайó каднас ставыс ловзьó? Мыйла заводитóны чур-гóдчыны ичóтик виж дзоридзьяс, мыйла садьómоны кузь ныра номъ-яс? И шондіыс оз дышóдчы, сылón югóрьясыс быдóн дорó маты-стчóны, катóны дыр узьóмысь да сетóны выль олóm... Мóд олóm. Ставón тайó кадсó виччысьóны, ставónлы окота лóлыштны морóсón чóскыд сынóд, сывъялыштны мелі югóрьяс, кывзыштны шорьяс-

лысь гуся сёрнисо. Радлыны колө, а ме ог вермы! Сьолөмөс быттьо кодкө перйис да вунодіс бөр пуктыны! Көсья нюмъявны – оз артмы, көсья бөрдны – оз пет синва. Видзөда мунысь йоз вылө, найө радрөны, сералөны. Ме тшөтш көсья! Но вомөй оз вермы нюмйыштны, синъясой менам – кык ыджыд гөп, кодкө век гудйө найөс пыдөджык и пыдөджык... Көсьяныд төдны, кодй ме?

Ме – вуджөр. Да, да! Гашкө, ме вөлі коркө тиян бокын, нимкодяси тиянө! А ті менө онө помпитөй. Вуджөр... Мекөд оз позь сёрнитыштны – гөлөсой бырис, ме век пышьяла, дзехсяся – пола. Мекөд оз позь ворсыштны – ме жугыль, менө оз ставөн аддзыны – ме руд. Татшөмөн ме лои! Но татшөмөн менө вөчис тулысыс! Тулыс локтіс, и ставыс вежсис! Төвнас ми вөлім ставөн өткодьөсь, и ті вөлінныд татшөмөн жө, ме кодьөн! Ми олім өтлаын, эгө и думыштолй, эгө төдлөй, мый тадзи вермас лоны, мый оз ставөн петны шогысь, шуштөмысь, няйтысь... Вөлөмкө, оз ставлы позь вуджны сэтчө, выль олөмас, көні өні ті. Кольөны найө, кодлы тайөс оз позь вөчны – оз позь ловзьөдны налысь сьолөмсө, налы оз позь овны югыда, мичаа, гажаа. Ме век мөвпала: мыйла нө ме на пиын? Мыйла меным некод оз висьтав, мыйысь ме лои татшөмөн?! Вуджөр, кодй некодлы оз ков, кодөс некод оз аддзы, а аддзөны кө, сөмын сэк, кор шондіа, да мөвпалөны, мый тайө налөн мыгөрыс!

Ок, зэрмис! Енэжыс бөрддзис! Ме көсья жө, медым менам синмысь нбөжйөнника киссисны ичөтик тусьяс, но, тыдалө, ме тайөс некор нин ог вермы вөчны. Öні ме вуджөр...

## **Кымын арөс тэныд, пөль?**

Кор ми воывлам батьлөн чужан сиктө, тшөкыда ветлам видзөдны Сыктыв юнымөс. Со и талун бара муни. Мича шондіа луно кыр йылас пукаліс пөрысь пөль да төлыскөд өтлаын нбөжйөнник довкйөдліс юрнас. Киас топөдөма вугыр шатьсө, быттьөкө повзьөма, мый кодкө вермас мырддыны. Воськыд бокас куйлісны тыртөм сулеаяс. Миянөс аддзөм бөрын, сьод, дыр мыссьытөм чужөмас здук кезлө воссьыліс гудыртчөм синмыс. Дзормөм тошкөдыс тэрмасьтөг кыскасисны вина дукусь кольмөм гутьяс. Синмыс бара куньсис, а недыр мысти и юрыс лөткысис.

Здук видзодлём борын бать одйё тодмаліс польсё да сэсы менсьым юаліс: «Тэ чайтан, кымын арёс тайё мортыслы?» Недзьмысти содтіс: «А тайё од Зётё Ёльёксан, кодкёд ми школаын вёлім ыджыд ёртъясён. Сылы и нелямын арёсыс на абу». Ме шойёвоши, эг тёд, мый вочавидзны, сёмын казялі бать чужоьмыс кутшомкё тёдтом меным дой.

Неылё муньштім да пуксим эжа вылас. Визув ва кыскис аскёдыс увланьыс став лёпсё. Со нейджыд сісьмыштём пёвтор, джынвыйё вёйём нин, одва кысьё неылын ва дорсянь. Сы гёгёр чукортчёма еджыд быг. Дерт нин, пондас кёнкё улынджыкын, лыа кёсаын куйлыны да водзё сісьмыны. Мелі шонді дзёбсис ичотик кымёр сайё. Меным лои шуштём.

Жугыля ва вылё видзёдігмоз бать лёня кутіс висьтасьны.

«Важён нин тайё вёлі. Грездса детсайдйын ме вёлі вильпыкодь зонкаён. Ёти асылё тёдтом ань кидёдыс кыскис мяян дорё детинкаёс, коді шызьёдіс ставнысё кыз гёлёснас. Миянёс дёзьёритысь воспитатель дыр видзёдіс сьёд юрсиа, квайт кымын арёса детинка вылё. Аньыс, вёлёмкё, детинкалён мамыс, тэрмасигмоз удж вылё гораа выдыштіс писё: «Со вед, Ёльёксан, лунтырён пукалан да лыддян газетъяс, сайдё ветлыны он кёсйы». Мам мунём борын Ёльёксан одйё дзёбсис мяянысь медпемыд пельёсас да пондіс видзёдны гёгёр букуш синмён. Ичотик повзьём кычан моз сійё пукаліс да виччысис кодсянькё курччём.

Сёмын пажын кежлё, кор нин детинкалён сюммис кы-нёмыс, сійё петіс аслас позйысь да пуксис мекёд пызан сайё. Тадз ми и тёдмасим.

Луныс вёлі кузь на. Рытёдзыс, бать-мам локтёдз, мянплы удайтчис унатор на вёчны. Котралігён ми сэтшёма тангысим ётамёд бердё, мый кыкнанным воштім воддза пиньнымёс. Кыкысь кымын чорыда вермасим лыа вылын, а кор лои нин вывті жар, чегим заборысь ёти бедь да пышйим важ кукань гид дорё. Сэні и туплясим косьём куйёд вылын.

Ёнёдз на син водзын Ёльёксан мамлён восьса вомыс, быттёб збыль эз тёдмав косясьлём дёрём-гача, няйт да парсасьём чужома, куйёд дука детинкаын асьыс писё. Ог тёд, кызі Ёльёксанлён помасис тайё луныс, а менам дыр на сотчисны бекъясёй веж петшорысь, кодёс бать нетшкис ён кинас керка бокусь».

Батьой ланьтіс, быттёб воштіс важыскёд йитёдсё. Шонді кутіс нин лэччыны вёр сайё. Дзизгысь гутъяс пыдди петісны вёрса тшыг номъяс. Сёмын ваыс шывгис аслас туйод и быттёбкё

эз тэд кад йылысь. Ме мөд ногон видзөдлi бать вылө, сэсся син дорышөн казялi, мый Өльоксан пөль копыртчөмөн узьө. Некедз эг вермы адзыны сыысь вильыш детинкаясөс.

«Школаын ми пукавлiм öти парта сайын, – водзö висьтаси бать. – Ставыс вöвлi. Тулыснас котравлiм выль туй вылө зарава юны. Вöвьясөн рос доддьөн гожомбыд кыскавлiм кос турун. Арнас, каколь босьтөм бöрын, Чуш шорын ки зырттöдз лыйсьылим тусяпу ньöввужийьсь, төвнас чикуньяс моз лэбавлiм даддьөн Гудин гора йывсянь. Ми төдiм, мый ми повтөмөсь, ёнөсь да төлкабсь.

Квайтөд класс бöрын ме бать-мамкөд мунi овны карö, и ёрткөд торьялiм. Кывлi, Өльоксан сiдзи некытөн абу и велөдчылөма, сөмын бöрья кадсö уджалөма пöжарникөн», – помалiс бать.

Öтка каля лэбалiс мян водзын да ёсь синнас кыйöдiс шоньд ва веркөсысь чери петкөдчөм. Дзизгысь номьяс быдлаө суйисны ассьыныс ёсь нырьясөс.

Сөмын öнi кутi гөгөрвоны, мый тайö луныс некор нин оз ло.

Блiсянь кылiс кодлөнкө равөстөм: «Бать, конi тэ?». Регьид мысти мян водзын быдмис сьод юрсиа зумьид зонка. «Бара юбмыд, а мамыд тэнö важөн нин корсьö. Лок, мунам гортад», – небыда шуис детинка да босьтiс батсьö киняувтыис. Өльоксан лэптылiс юрсö, мыйкө эськө көсийс шуны, но эз вермы да лёткысис пи пельпом вылас.

Дыр на видзөдiм ая-ниалысь ньöжмыд мунөмсö. Бiджьид льөм пу сайöдiс найöс. Ми мөдөдчим жö гортö. Неылын ва дорас ме казялi важ, сiсьмөм, төдса нин меным плака торсö, ваыс шыбитөма сийöс лыа берег вылас. Быттьö важ төдсаөс ме босьтлi киö вазьөм пурөсö да сэсся пуктi эжа вылас.

«Аски лөö выль лун, но ми огö вермө төдны, мый сийö мянлы ваяс», – ылiсянь воисны мебдз батьлөн кывьяс.

«Аски лөö выль лун», – кысянькө кылiс йөлөгалөн шы.

Мый лөö аски?

## Пинь нетшыштём

Ог тѳд, збыль-ѳ вѳлі тайѳ миян сиктын. Мый кывлі, сійѳс и висьтала.

### I.

Войбыд Петыр Вань эз вермы узьны. Ѳти улыс пиньыс ѳнтіс, эз отсав ни сола ва, ни анальгин. Водліс джджѳ, петавліс сарайѳ, сѳсся дыр-дыр видзѳдіс ѳшинѳ, быттѳѳ дона гѳсътѳс виччысис. Став олѳмыс муніс син водзас: челядь коллялан кадыс, гѳтрассѳѳмыс да ассъыс челядьсѳ быдтѳмыс. Асьявылыс, кор здук кежлѳ Ваньлѳн юрыс лѳткысъліс мудзѳмлаыс, вежѳрас мыгчысис чужѳм. Кытыскѳ быттѳѳ тѳдсаѳсь нин вѳліны шуйга син бокас ыджыд зѳр тусъыс, сьѳд ускыс, чукурѳсь плешкыс, лѳмасьѳм пельыс. Юрыс Ваньлѳн бергаліс кодлѳнкѳ мелі шѳкѳмысь: «Лок ме дорѳ, ме босъта тѳнсьыд дойтѳ». Да тайѳ жѳ армияса мичман Руденко! Петыр Вань повзис да узигас заводитіс шенасъны кинас, гырдызайс веськаліс гѳтырыслы пельпомас. Садъмѳм нывбаба тільыштіс синсѳ да рѳпкыштіс: «Мый нѳ он узь? Шулі жѳ тѳныд, ветлы больничаад».

Водз асывсянь гозъя вѳліны нин кок вылын. Нывбаба, дерт, эз ошкы мужикыслысь сулея дорѳ радейтѳѳмсѳ, но талун ачыс перйис пач костсъыс буссялѳм доз да кыв шутѳг кисьтіс ыджыд стѳканѳ. Вань видзѳдлытѳг кисьтіс ставсѳ вомас да здук кежлѳ ланьтліс, тыдалѳ, лѳсьыд лоис. Друг посводз ѳдзѳсѳ кодкѳ таркѳдіс.

Керкаѳ пырис суседыс, Зѳтѳѳ Шурик. «Нуѳдны со кѳсйи кѳзяинтѳ вуграсъыштны, видзѳда ѳшинѳѳд – важѳн нин онѳ узьѳй, – ыркнитіс кыз гѳлѳснас кортѳм гѳсът Анисьялы, но казяліс Ваньлысь гѳрд синсѳ да лѳньджыка содтіс, – нидзувсѳ ме сьѳрысь нин босьті». Ваньлы син улас усисны Шуриклѳн ѳн еджыд мича пиньясыс. «Мый нѳ мем ѳні вѳчны?» – нора юаліс ѳртыслысь висъысь.

Миян сиктын во дас пельшер кындзи некод эз вѳв. Коркѳ волісны пинь лечитысь гозъя да ѳдйѳ бѳр пышйисны карѳ. На бѳрын недыр мысти воис том пельшер Шляпуров. Дерт жѳ, сійѳѳ кажитчис уналы, ѳд став висьѳмсѳ кужис лечитны. Ёна нин тшѳкыда волывлісны сиктса больничаѳ том нывбабаяс. Кодлыкѳ ковмѳма юкалѳмысь кок зыралыштны, кодлыкѳ кос веськѳдны, кодлыкѳ и голя висьмылѳм бѳрын тыр морѳсѳн лолавны отсавны. Бур пельшер веськаліс, сѳмын пиньтѳ некор на эз нетшыштлы.

Петыр Вань дыркодь жугыля пукаліс пызан сайын. Пач пельбас мыйкё шопкис гётырыслы Шурик. Пинь дойыс здук кежлő бара лэдзыштис. «Тырмас! – кодкő быттё висьысь пытшкын гораа шуис, – колő нин мыйкő вőчны». Тушаыс ачыс пондис ньőжйоник сувтны. Ань ставсő гөгөрвоис, вайис вербссыслы костюм, еджыд дөрөм да сьбд гөленя кучик сапөг. Недыр мысти кыв шутөг Вань мөдөдчис гортсыс. Сөмын вомгорулас чуймөмөн кыліс пытшкөсса гөлөссө: «Благослови Крестос, отсалой ставныд, родителия, кодьяс верманныд».

## II.

Ывлаын Ваньлы некор вөлі видзөдны дзирдалысь ю вылő, кывзыны гораа сьылысь чиркьясөс. Сійő повтёма матыстчис больничалань да воськовтис джуджыд порог вомөн. Ичөтик жырийын пызан сайын пукаліс Шляпуров. Векныдик да детинкалөн кодь шыльыд чужомыс повзбөдыштисны висьысьсөс. «Вермас-ő тайő?», – мөвпыштис Вань да көсийс нин бөр петны. Кокыс эз кывзы вежөрсө, ачыс вайөдис лабичөдз. Мужичөй веськыда видзөдліс Шляпуровлы синмас да чорыда юаліс, эм-ő сылөн пинь нетшкан инструмент. «Век асьвсъяныс юасны да трубитчөны», – мөвпыштис том морт, тэрыб вөсньыдик чуньясыс асьныс кутісны кизявны пельном вылő шыбитөм еджыд калатсө. Пельшер босьтис асьсө киас да ньőжйө, быд кыв янсөдөмөн ыркнитис: «Иван Петрович, мунөй тэрыба Визинө, сэні өдийө пиньтө нэтшыштасны». Видзөдла-сыс Шляпуровлөн лэччис джоджө. «Тэ жө врач, – эз сетчы висьысь, – тэно жө государствоыс нель во велөдис, а тэ он көсий меным отсавны!» Та бөрын Ваньыд чеччыштис кок вылас да скөра матыстчис пельшерлань. Быттё паськыд бордыяса кырныш, Вань кутіс лязөдны косіник Шляпуровөс. Юрас бурдөдчысьлөн бергаліс сөмын өти мөвп: «Капут! Швачкас кө менө, тані и кула».

Кыкнаныс сьбкыда лолалісны да вир синмөн өта-мөд вылас букыша видзөдлісны. Вань гурйысьыштис кинас ыджыд гач зептас да шыбитис пызан вылő клеци. Шляпуров гөгөрвоис, мый таысь он мын. Юнас шога довкнитис да лөня шуис: «Вомтө ёнджыка паськөд да эн вежнясь, – бөрынджык скөра содтис: – Мед грекө менө эн вайөд».

Сьблөмыс Ваньлөн лэччис коклябөрас, сөмын өні вежөрас локтис, мый нинөм нин оз вермы вежны. Висьысь усис улөс вылő, ыджыд гөрд кыис чорыда лясис пызан дорышө. Ачыс эз и гөгөрво, кызди вомыс ньőжйоник паськаліс. Тірзигмоз пельшер клециөн

топөдіс удворсьыс сьодөдөм пиньсө, кунис синсө да став выпнас пондіс кыскыны.

Мужичөйлөн дойысла петкөдчис синваыс, гөгөрыс кутіс пемдыны. «Вот и менам помөй локтіс», – югйыштіс юрас. Кадыс быттьөкө вошис. Садьмис, кор кучкисны чужөмбанас. Вөлөмкө, сулалө өдзөс дорас да век на киас кутө улөссө. Кыв ни джын эз шу висьысьыд, звиркнитіс өдзөсас да рөдтөмөн лэбыштіс гортланыыс. Гордөдөм чужөма пельшер мөдліс мыйкө шуны, но повзьөмысла вомыс эз вөр.

\*\*\*

Өти мича лунө Петыр Вань паськөдіс гөна морөссө шөнділы паныд да дыр видзөдіс ю дорын лэбалысь каляяс вылө. Ылын тыдовтчис морт. Вань пыр жө төдіс косіник мыгөра Шляпуровөс, өдйө котөртліс гортас да петкөдіс косьтөм чери. «Шляпуров! Дона ёрт! Сө пасибө тэныд! Кулөмысь менө мездін!» – горөдіс Вань да тэрыба сөйис киас черисө. Том пельшер чуйөмсөрөн нюмйыштіс: со кутшөм ме енбиа врач!



## Чужан му

Сьолөм кудйын Чужан муой,  
Сійо меным бать да мам.  
Коді сійос лёкөн шуо,  
Сылөн абу олан сям.

Сьолөм кудйын ывла вылыс,  
Көні дзизгө малязі,  
Көні лэбач мыла сьылө,  
Көні кья озтө би.

Сьолөм кудйын видзьяс-муяс,  
Көні чирклөн кылө шы.  
Сингъяс водзын – лыдтөм пуяс,  
Юяс вылын ворсысь би.

Сьолөм кудйын гожся рыгъяс,  
Гудок бөрся вөтчыв, ныв,  
Тэкөд кыкөн мунам кыті,  
Кысьо черань везлөн тыв.

Сьолөм кудйын Чужан муой,  
Коді меным бать да мам.  
Сійос лёк кө коркө суас,  
Пыр и доръя. Ог ло рам.

## Матыстчө төв

Усьо медводдза лым,  
Көть и бара на сылас.  
Ылө пышйома гым,  
Көнкө лунвылын кылө.

Важон гылалис кор  
Озйысь ярьюгид бион.  
Надзон вевттысьо шор  
Восни, стеклө кодь бион.

Другон лоома чөв,  
Ворыс ланьтөма, узьо.  
Тадзи матыстчө төв,  
Коді лоо зэв кузьон.

## Тёлысь

Енэжсянь тёлысьыс кодзыда дзоргё,  
Содзодё му вылас огыртём би.  
Важён нин паччорын тодмавлі коркё:  
Асыка тёлысьыс – сывлытём йи.

Сьола моз репасын керканым узьё,  
Ланьтёма лым улас. Гөгөрбок чөв...  
...Гожёмсё казътывлан вөтъясыс кузьось,  
Өні коть му вылын ыджыдыс – төв.

## Коми муой

Коми муой, Чужан муой,  
Небыд нитшка кыддза рас.  
Ворса ёльой, ниа пуой,  
Чөс туй вылын рөдвуж пас.

Коми муой, шоңыз гортй,  
Сиктлөн олан-вылан шы.  
Батьой-мамой, дона ёртй,  
Няня-сола олан гы.

Өдйё лэбё мувыв кадыс,  
Сійос питшөгын он видз.  
Вежласьё коть волөн ладыс –  
Чужанінлөн коляс мич.

## Төвлань

Кодзыдыс наяна важён нин чеплясьё,  
Ырыштчис төвланьё ар.  
Регыд нин вёрыс и ваыс нин чептасяс,  
Локтіс йи беддя выль сар.

Ыркыдыс вочасён зумыдмё, зэлалё,  
Ёнджыка чепольтё ки.  
Надзёник кодзыдас овны ми велалам,  
Сьолёмын ловъя на би.

## Арся ягъясын

Арся вөр-вайд мичлуннас ясыд,  
Көнкө лайколын кылыштө «чоль».  
Пувъя местаысь, нитшкыс көн васод,  
Зыбуч нюръясысь писькөдчө ёль.

Оз нип вөр-вайд тулыс моз шызьбод,  
Жуймөм шондыс копыртис юр.  
Арся парма сё гөлөсөн гызьбод,  
Сетө вотчысьлы пөтөса нур.

Кыддза расъясыс ворсоны биён,  
Усьысь коръясыс гөгөрбок – тшем.  
Кыпыд пармайд гажөдө сійөс,  
Кодлөн вөрыскөд йитчөма нэм.

## Ляпча

Пөрысь пөльбөй вөчис  
Меным ляпча-лызь.  
Шуис тшапа: «Көчась!  
Гортө вай душ кызь!»

Вөрө шуркъя-муна,  
Мышку сайын ноп.  
Лым толаб сунла  
Өдөб вылысь – шлоп.

Тадзи со и ветла  
Өти лун дай мөд.  
Коркө серам петлө,  
Коркө көть и бөрд...

...Регыд тырта кызьбөс,  
Көть и вөлі шег.  
Пөльбөн вөчөм лызьбөй  
Менө нуас век.

## Съыланкыв

Вөрө пєсла муні кор,  
Товся луныс тірзис, йизис.  
Зиньгис пила, дзуртіс зор,  
Пуяс вылын лымйыс гызис.

Вөрысь петіс песка додь,  
Южмөм туйыс нора съыліс.  
Съыланкывйыс, быттьо мойд,  
Меным кильчө дорөдз съыліс.

## Шахмат

Шахмат пөв... И комын кыкөн  
Воча сулалёны сэн.  
Гөрдлө «вөлыс» ыджыд зыкөн,  
«Слөнъяс» костын кыптө вен.

Веськыд чин да гора слава  
Босьтёны «ладья» да «ферзь».  
Наысь полыштёны ставён,  
Наысь родыштёны весь.

«Офицерён» өти шуө,  
Кодкө нимтө прөстө «слөн».  
Тышгьяс дырйи сійө «пуө»,  
Горзө вөрөглы: «Тэ көн?!»

Сөмын өтнас гусьён олө  
Нэмөвөйся «король» – сар.  
Сійө «матысь» ёна полө,  
Сылы «шах» дырйи зэв жар!

«Пешка» бөрся мукөд вөтчө.  
Быдөн воин, абу раб.  
Зык-вен бөрас сөмын төдчө,  
Коді ён, а коді слаб.

## Төв

Арыд бытьо эз и вөв!  
Пуксис кодзыд-кодзыд төв.  
Тайо кадыс ок и гажа,  
Төвсө виччыси ме важон.

Лэдза лөскысь ассбым дадь,  
Оз кут мено мам ни бать.  
Өдий лыйышта кыр йылөдз —  
Увлань төвзя ылөдз-ылөдз!

Татьяна  
Шахова

*Медводдза кывбурос тэчи 12 аросын Вэль во йылысь.*

*Кор тэно кытшало гогор мичлун да тодмасын уна бур йозкод – окота гижны на йылысь. Кывбурон зіля ворзьодны йозлысь сьолөмнысö, мед найо лобны шаньджыкось да мед чужас вор-ва діно муслун. Волон быд кадын эм кутшомкө аслысполос мич, сы восна некор он дугды сыон нимкодясьнысö.*

## Йөлөгә

Кытчö вошлін та дырасö, йөлөгә?  
Гашкө, дзебліс тэно парма-вөр,  
Сюртчин арнас лыдтөм пөтка кельбөбö,  
Көдзыдсьыс мед йиторйö эн пөр.  
Өні бара важсьыс ёна горалан,  
Шыасын тэ, майбыр, лун и вой.  
Чуксасьомсö муса көккыльс сорлалан,  
Юкан сылысь Енмөн сетөм дой.

\* \* \*

Радейта ме көка югыд войяс,  
Дзоридзальсь видзлысь  
паськыд от,  
Кыа улын вунöны став дойяс,  
Асылөдзыс пукав көть, эн вод.  
Гожомой,  
тэ восьём лежнөг дзоридз,

Корыд тэнад – воом сьблаоз,  
Лышкыдлуннад юксян  
  шаньлун сорон,  
Тэ дорё оз ваймы муслун, оз.

\* \* \*

Кони менам товныр тэрыб вёлэй?  
Вунны кутис сылөн тильгун шы.  
Садьмод-пальод вильыш руа төлэй,  
Дугдыв юё серпасавны гы.

Ласта шёрын,  
                                  лыдтём дзоридз кытшын  
Некодлы нин юркытш ме ог кы,  
Мыйкё воши, сотчис морёс пытшкын,  
Визув ёлысь артмис пемыд ты.

Гашкё, меным мича асыв мыссис,  
Енэж дасьтис козин – кыа вонь.  
Дзоридз моз мед бара сьблём воссис,  
Пессис-радліс водзё, а эз лонь.

Кырнышыс юр весьтын  
                                  оз нин шлывьэв,  
Гулюяс сэн, югыд енэж от,  
Шонді-мамлы төрам ставён сывьяс,  
Кынмыны оз сет и оз на-й сот.

Гашкё, воча вёлэй менам рөдтё,  
Кыпөдө кок увсьыс гожся бус.  
Тильгун сылөн сылө, зильгө-йөктө,  
Медым ловнам некор ме ог кус.



## Вой кыа

Лонь. Төвся рыт. Сэзь енэж восьтис сыв  
И кодзув кельоб койыштіс са съодас.  
Ас гогрысь ме некодос ог кыв.  
Ме тайо гусяторсо отнам тода:  
Со ловзьо-гызьо енэж, быттьо ю,  
И уна ромон портмасьоны гыяс...  
О, кутшом мича рытъя Коми му,  
И кызди съолон вөрзьодо вой кыа!

## Челядьдыр

Регыд на и вөлі сійо кадыс,  
Медся гажа пөра – челядьдыр.  
Котравлім ми Эжва дорө, радось,  
Эгө воли гортө кузь лунтыр.

Берег пөлон котравлім ми сюся,  
Йорысь нетшким юмов чөскыд льом,  
Төвнас вөчлім чомъяс ставсьыс гусьон,  
Собалігон вөлі вошлас ком...

Ок, эськө, мем выльысь сэтчө косны!  
Челядьдырыд – вемөса шапъ вөт.  
Быдмыссьома сөмын кода костті, –  
Челядьсө нин волігон ог төд.

\* \* \*

Бөръя видзөдлас, бөръя кывьяс,  
Синмад дзебсясьысь синва войт.  
Кокъяс уланым дзуртысь лымйыс  
Быттьо шызьөдіс тэнсьыд дой.  
Видлі ордны аслам кион  
Тэнсьыд нэриник муслунтор,  
Коді горөдіс лэчыд шыон  
Тэнад лолад, но эз и ор.  
Лөня видзөдлін гажтөм синмон,  
Сэсса бергөдчин – и эн ло.  
А ме сулалі, а ме кынми  
Сыысь, бөрсө мый он нин лок.

## Сись бияс

Эжва вылын югзёны сись бияс,  
Эзысь рөмөн вералё ю выв,  
Небыдика вальялёны гыяс,  
Гөгөр чөв-лөнь, некоді оз кыв.

Быттьö вичко пытпса вежа бияс,  
Нюждчөны Енлань – сійö эм,  
Кыззи йöзыс кыпöдöны кияс,  
Сетас мед бур шуд да кузьджык нэм.

Сьöлөм вылын сэтшöм кокни лои,  
Юрысь петі-сылі шөгсьöм-тöжд,  
И сись бияс пöвстö бытть вöйи...  
Наын эськö овны олөм чöж!  
Эжва вылын югзёны сись бияс,  
Вежалунөн öвтö гөгөрбок...  
Сьöлөмöй кö бара шөгö вöяс,  
Кыз нö бара татчö ме ог лок?

\* \* \*

Ме эска:  
Воас лун,  
Кор ме паныдала Тэнö,  
И öтнадлы ме восьта ассьым сьöлөм,  
И öтнадлы ме козьнала пöсь муслун,  
И öтнадлы ме шуа сöстөм кывъяс:  
«Ме тэнö радейта».  
А öнi сійö лунсö  
виччысьны на ковмас,  
Гашкö, во,  
Гашкö, кык и унджык...  
А урасьöм 14-öд лунсö таво  
Бара öтнамлы мем вочаавны ковмас.  
И карса улич кузя восьлала ме чöла  
Да юалана синъясөн видзöда том йöз вылö.  
Гашкö, Тэ кöнкö на пöвстын?  
И сідзжö менö корсян?  
Но миян кадыс эз на, бурак, во..  
Ме эска: воас лун...



Нязгө лэчылд гажтөм шы,  
Лөнълө, гораамылө  
Да нора ымөстлө  
Став пытшкөстї  
Дойдалөм зверь моз...

\* \* \*

Меным тэсянь оз ковны  
Ни дзоридзьяс,  
Ни козиньяс...  
Медся ыджыд козинөн лоө  
Тэкөд со тадзи орччөн пукавны  
Шоныд киясад кутчысьөмөн,  
Мелі синьясад вөйөмөн  
Да кывны,  
Мый ми Тэкөд өні сөмын кыкөн,  
И нинөм сэсса миянлы оз ков...  
Унджык кө эськө татшөм шоныд здукус!  
Но тайө карас вывті өдйө лэбө кадыс!  
И помтөг лоө ордйөдчыны кадкөд,  
Мед пайдыны ичөтик здук.  
Сэк кості ми лэбам гызысь кар кузя  
Асланым гуся пельөсө,  
Мед кольны  
сөмын кыкөн,  
сөмын кыкөн...

\* \* \*

Тэ кылан? Меным тані лёк.  
Мем тані гажтөм. Кылаи?  
Көть быттьө лөсьыд гөгөрбок –  
Мем оз во сьөлөм вылө.  
Тан абу тэнад паськыд нюм  
Да меліалысь синьяс,  
Тан абу тэнад кыпыд ру  
Да вына муса кияс.  
Ме лыддя луньяс, кор нин ми  
Бөр аддзысям да гажмам.  
Но таысь луньяс лыд оз чин,  
А мөдарө на ньөжмө.

Медьдээр үүснэе ♥

---

\* \* \*

Кымын кыв на тэныд менам шутом,  
Кымын кыв на тэсянь ме эг кывлы.  
Видзан найос лөсялана здукөдз,  
Сомын сэки ставыс другыс вунө.

\* \* \*

Меным медся лөсьбид,  
Кор куйла тэнад топыд сывйын,  
Видзөда турун кодь веж сингясад  
Да мөвпала,  
Мый менам оломын өнi эм  
Медся донатор –

Тэ.





Колин менө...  
Сійө асылыс некор оз вун.  
Енмыс койис му вылө лым чиръяс.  
Вөлі шудаөн тайө лун.  
Век на син водзын тэнад видзөдлас,  
Лөня виччысин месянь кыв.  
А ме нюмъялі, йөюкыд.  
Эг и гөгөрво.  
Сомын... Вөлі сэк топыдджык сыв.  
А ме радейті сэк.  
Пыр на радейта.  
Эска: волан на.  
Виччыся.  
Сотчысь дойөс курыдтор кусөдас.  
Енлы кевмыся, кевмыся,  
Кевмыся...



Лым чиръяс, висьталөй,  
Көн тіян чужанін?  
Югыдлөз енэжас,  
Войвывса пельөсын?  
Мыйсяма му вылысь  
Төв нырыс пөлялө?  
Чөвлунтө тіянлысь  
Пола ме вөрзөдны,  
Йи ловъяс!  
Сынөдас йөктанныд вальс,  
Дуранныд челядь моз,  
Мойдвывса олысься!  
Вось моля шебрасөн  
төдлытөг вевттыанныд  
муывывса грекъяссө.  
Өтикөн-өтикөн чукөрта ки вылө,  
юсь гөнъяс, тіянөс!  
Мыйла ті сыланнды  
Ки пыдөс выланым?  
Ва молльөн-чепөльөн  
лым-вөсьыд кольө...  
Тадзи менам муслун воліс.  
Синва сылөн мичысь коліс...

## Шырпи

Важся керкалөн пемыд гобочас оліс-выліс ічотик да польсы шырпи. Керкаас дугдывтөг кыліс кок шы. Шырпи радліс, кор олысыяс гораа сернитлісны, мыйкө вочисны, гажөдчисны. Найө пулывлісны чөскыд нур да сөйлісны еджыд тупось. Нянь торпыригыяс да мукөд сөян коляс джодж пөвьяс костті гылавлісны шырпи дорө. Вой улас медся оломаыс сьывліс кагаясыслы сьыланъяс. Сэк унмовсьывліс и шырпи. Ок и лөсьыда оліс шырпи. Радейтіс ассьыс олан пельөссө. Гөбөчын повнысө некодысь. Ывлаө эз петаवлы ёнасө. Биысь моз шырпи поліс дыш каньысь, коді эз лэдз пыравлыны шоньд керкаө.

Неважөн тайө пөрысь оланінсыс мунісны шырпиөс вердысьясыс. Воис гажтөм кад. Сөян бырис. Шырпи кайис гөбөч өшинь дорө видзөдчыштны ывлаө. Сэні тыдалісны сөмын отарөмөдарө восьлалысь кокъяс. Найө сэтшөм мустөмөсь вөліны шырпиы. Өтчыд чужийсны туй бөкө да өдва гортеө аддзис.

Өшинь дорын пуксис сы дорө гут.

– Дз-дз-дз, – отарө дзизгис гут.

Сэся казяліс синвасө шырпиысь да юалис:

– Дз... Мыйла сэтшөм дз-дз-дз... дзугыль?

– Гажтөм. Көдзыд. Сөйны көсья, – вочавидзис шырпи.

– Дерт, дз-дз-дз... Көть кутшөм дона тэныд тайө керкаыс, корсь выльөс. Дз-дз-дз йөз-з-з дорын эм сөян, – шуис да лэбис.

Шырпи виччысис пемдөмсө да мөдөдчис корсьны выль оланін. Доыда котөртис уличаөд. Турун пөвстын шойччыштас да бара котөртө. Аддзис чом, пыраніныс вөлі восьса. Гусьөник пыристювкнитис сэтчө да тувчис небыд муө. Кавшасис кутшөмкө гөна шоньдтор вылө. Көсийс узыштны, но кызд тай чеччыштас «гөныд»! Шырпиөс пыркнитис муө да эргыны пондіс. Повзьөмысла шырпи дыр котөртис пемыд ывлаті. Коркө мудзис да сайөдчис кутшөмкө өг улө, өдйө унмовсис.

Асывнас садьмис шонді пөжөмысь. Дзебсьөма, вөлөм, пу корьяс пиө. Гөгөр джуджыд пуяс, а на вылын ошалөны тусьяс. Уна-уна гөрд тусь. «Чөскыд, көнкө», – чайтіс шырпи.

Друг кодкө лекысь кравөстіс.

– Карр, карр, карр!

Шырпи аддзис сьөд лэбачөс, коді тшапа ветліс кышакылысь му вывті.

– Карр! Коді тэ? Карр? – юалис рака.

– Ме... ме – шырпи, – тіралөмөн вочавидзис шырпи.

– Шыррр. Но буррр. А ме карр-карр-карр, тані командиррр. Мый пыррин менам рраскө? – скөра кравзис рака.

– Ог төд. Кытчө нө меным мунныс?

– Эн няррргы. Карр. Виччысь, корра мукөдөс, – шуис рака да жбыркнитіс-лэбзис.

Шырпи повзбөмысла котөртыштіс, кыккоқйыв сувтліс да аддзис водзсьыс мича керка. Өдйө сылань мөдөдчис тайө кравзись кравкансьыс. Керка гөбөчлөн өшиныс вөлі восьса. Шырпи кавшасис сэтчө да пырис пытшкас. Кутшөм сөстөм да югыд тані!

– Со менам и выль оланін! – радліс шырпи.

Медводз матыстчывліс джодж розь дорө. Юрсө мыччывліс – некод абу. Петіс, исалыштіс гөгөр.

– Оланіныс сэтшөм мича да югыд! Көні эськө сөяныс налөн? – мөвпаліс шырпи.

Керкаын некод эз вөв, весиг уска кань. Сөмын пельөсын сулалысь кыөм көрөбын кодкө кыліс. Шырпи матыстчис да аддзис, ас кодыс жө, сөмын еджыд, шырөс. Еджыд шырпи мыськис чужөмсө, буракө, сөмын на садьмөма. А дозьяс сылөн – рок да йөв. Шырпи никөстіс. Еджыд шыр аддзис рудов гөнаөс да исыштіс сынөдсө. Сэсся корис:

– Лок матөджык. Коді тэ?

– Гөбөчысь шырпи. А тэ коді? – юаліс шырпи.

– Ме – еджыд шырпи. Көсьян сөйны? Со асьяыс менам коли, – вөзйис еджыдыс.

– Аттьө. Позьө кө, ставсө сөя.

– Сөй. А меным петны оз позь. Нывка локтас да лэдзас.

Тадз шырпиян төдмасисны. Быд лун кутісны ёртасьны. Коркө еджыдикыс ворсігас юалө:

– Гашкө, ми вокьяс?

– Да! Ми вокьяс. Ме – бать кодь гөна, а тэ мамыдлань мунөмыд, – чеччаліс радысла шырпи.

Вокьяс лунтырьясөн ворсісны. Нывка локтөдз колльөдчылісны гөбөч дорас да торйөдчылісны. Кыкыдлы век нин гажаджык да кокниджык.

## ЮРИНДАЛЫСЬ

Любовь Ануфриева .....	3
Ольга Баженова .....	15
Андрей Власов .....	17
Наталья Дёмина .....	29
Евгений Мартынов .....	35
Юлия Нефёдова .....	45
Мария Остапова .....	51
Артур Уляшев .....	61
Татьяна Шахова .....	67
Алёна Шомысова .....	69
Татьяна Югова .....	75

*Литературно-художественное издание*

**Первая любовь**

*Стихи, рассказы*

*На коми языке*

*Составитель* Анжелика Елфимова

*Художник* Роман Зварич

*Редактор* П.И.Симпелев

*Компьютерная верстка – П.И.Симпелев*

Подписано в печать 20.11.2007 г. Формат 60х90 <sup>1</sup>/<sub>16</sub>

Гарнитура «Komi Peterburg»

Тираж 300 экз. Заказ №

Издание Союза писателей Республики Коми  
167892, Сыктывкар, ул. К. Маркса, 229

Отпечатано с готового оригинал-макета  
в ООО «Полиграф-Сервис»  
167000, Сыктывкар, ул. Ленина, 4





Crummleby

2007